

KE TLA DIRA ENG KA JESU

YO A BITŠWAGO KRISTE?

 Morena a go šegofatše, Ngwanešu Vayle. Moso, bagwera.
Ka mehla ke thari. Billy o be a mpotša ke bile, mosong wo, gomme ke bile le e ka ba dipoledišanonyakišo tše masometharo tša sephiri, gomme ke bile le ba babedi ba bona, kafao, ke a dumela ba babedi goba ba bararo. Kafao ke no se kgone go fihla go yo mongwe le yo mongwe, le a tseba, gomme batho ba letile, gomme ba be ba letile mo lenaneong lebaka la dikgwedi le dikgwedi. Gomme Morena o be a dira dilo tše dingwe tše kgolo ka fale. Oo, Yena ke—Yena ke Modimo wa rena. A ga se Yena?

² Bjale ke na le nnete, mosong wo, gore bohole re lemoga manyami a magolo ao a diregilego go setšhaba se, ka tahlegelo ya Mopresidente wa rena, Mna. Kennedy. Le ge ke sa dumelanelane le monna ka go dipolitiki tša gagwe le ka go bodumedi bja gagwe, eupša efela ga a swanela go hwa ka mokgwa woo. Aowa. Gomme a tlogela bana ba bannyane bale ka morago, gomme go se papa. Gomme mme yo a... Mdi. Kennedy, le ge ka kgontha nka se dumelanelane le yena, le ditsela tša gagwe le dilo, mohlomongwe, eupša, elelwang, ke mme. O sa tšo lahlegelwa ke masea a gagwe, gomme o lahlegetše ke monnamogatše wa gagwe. Gomme o wetše thwi ka difarong tša gagwe, gomme madi a monnamogatše wa gagwe mong a tšhologetše ntle godimo ga difaro tša gagwe. Seo se befile.

³ A le kile la nagana... Dinako tše dingwe re nagana o bea lebelo go setšhaba, ka ditaele le dilo. Go ka no ba bjalo, le gona. Eupša a o tsebile, Mdi. Kennedy ga se nke a kwa wo mongwe wa Melaetše ye ye ke e rerago mabapi le seo? Ge eba a ka no kwa o mongwe wa yona Molaetše, a ka dira go fapania. Gomme ba bangwe ba dikgaetše tša rena ba ba o kwago, gomme go le bjalo ga ba sepela le ona. Le a bona? Le a bona? Le a bona? O godištše ka go Katoliki; seo ke sohle a se tsebago. Ga go selo kgahlanong le seo, le a bona. O... Yeo ke tshepedišo. Ga go selo kgahlanong le batho, batho ba Katoliki. Yeo ke tshepedišo, tshepedišo ya Katoliki, go no swana le Presbyterian, Methodist, goba ye nngwe ya tšohle tša tšona, le a bona, goba Pentecostal, e ka ba efe ya yona. Ke tshepedišo, e sego batho.

⁴ Mna. Kennedy, ke a nagana, o dirile mo—mo mošomo wo mobotse wa go ba Mopresidente. Pelo ya ka e ya ntle bakeng sa mosadimogatše wa gagwe. Gomme ke ikwela go nyama ka kgontha ka yona, gore le setšhaba sa rena beng se tla dira,

dihlakanahlogo le go ya pele ka setšhabeng sa rena, di tla dira selo se sebjalo ka seo.

⁵ Ge o sa kgone go ganetšana le motho, nnete, gomme wa tšeа go ema ga gago mong; gomme ga se lebaka go bolaya motho yo mongwe, feela ka lebaka la dilo boka tšeо. Gomme bona bana ba bannyane ba a tseba, ba rile, moisa yo motee yo monnyane o rile, “Bjale ga ke sa na le yo mongwe yo a ka bapalago le nna gape. Tate o sepetše.” Le a bona?

Kafao ka mehla ke naganne seo e tla ba seemo sa ka, letšatši le lengwe. Go nyakile go direga makga a mmalwa, bjalo ka ge le tseba, go thuntšwa ka dišhabeng tše šele; ge ba ile ba swanela go swara mebele ya bona godimo ga ka, go nthibela go thunywa, bokgole.

⁶ Kafao ge motho a ehwa ka mokgwa woo . . . Eupša, yeo ke te—te tefo ye e lefilwego, yeo e yago le letago la dilo tša go fapania. Le a bona? Ke nagana palogare ya e ka ba Mopresidente yo mongwe le yo mongwe wa bone, yo motee go tšwa go ba bane, o bolailwe, gomme ke ikwela gampe kudu ka yona. Dihlong gore re tla ba le motho yo bjalo ka Amerika, o tla dira selo sa go swana le seo.

⁷ Gomme bjale, efela, bjalo ka ge ke boletše, ga—ga se ke kwane le dipolitiki tša gagwe. Ke nna . . . ga se ka, ga se ka dumelana le dikgopololo tša gagwe tša seo a bego a leka go se dira. Eupša, le a bona, yena ke monna yo mongwe. Gomme ga se ke dumelana le tshepedišo ya bodumedi bja gagwe. Ka—ka nnete ga se ka dumelana le seo. Eupša, efela, o—o godišitšwe ka tsela yeo. Seo ke—seo ke se e bego e le sona. Bjalo ka ge ke boletše, mohlomongwe a ka be a kwele se sengwe go fapania, go ka be go bile go fapania.

⁸ Re na le se—se selo mo re se dirago, gore nako le nako ge yo mongwe wa batho ba rena a ehwa, goba se sengwe, le ge e le ntle . . . Ke nagana bjalo ka—bjalo ka kereke ya Amerika, bjalo ka mmele wa Maamerika . . .

Batho ba Amerika ba boutetše Mna. Kennedy ka gare bakeng sa Mopresidente. Gomme yeo e bile . . . Ke lebaka leo re lego temokrasi. Ga se ka boutela Mna. Kennedy. Ke boutetše Mna. Nixon, gobane ke tsebile Mna. Nixon, ka sebele. Gomme ke—ke mo ratile, gomme ke—gomme ke boutetše yena, ka sebele, gobane ke mo ratile. Eupša batho ba naga ye, Maamerika, badudi mmogo ba ka ba setšhaba se, ba kgethile Mna. Kennedy. Gomme ka tsela ye ba e dirilego, gabotse, seo se godimo gare ga bona le Modimo, eupša seo ke bontši bjoo.

⁹ Eupsa ke a nagana, bakeng sa mme yo, motho, mmago bana, Mdi. Kennedy, a re ka se kgone go no ema lebakanyana bakeng sa thapelo bakeng sa gagwe?

¹⁰ Morena Jesu, rena batho, re na le maikutlo bakeng sa seng. Gomme re maswabi, Morena, gore Mopresidente wa rena o thuntšwe ka tsela ye a bego a le, ka polao ya bopelompe. Gomme

re maswabi kudu gore setšhaba sa rena se tlie go lefelo le, gore batho ba bjalo ka bao ba—ba lego ka setšhabeng sa rena, bao ba ka bolayago motho ka polaong ya bopelompe; boka ba thuntše ngwanešu yola wa lekhalate e sego kgale go fetile, gomme ba no mo thunya thwi ka bopelompe, ka kahlolo ya semorafe. Gomme re maswabi kudu gore batho ba ba bjalo ba gona magareng ga rena, Morena. Rena, bofokodi bja rena, bo tlišitše se.

¹¹ Gomme re rapelela Mdi. Kennedy, mosadimogatša yola wa yo, Mopresidente. Gomme go tseba bona masea a mannyane ba lebeletše godimo ga tate wa bona—wa bona, yo a ba tlogetšego matšatši a se makae pele ga fao, monna wa go thaba, gomme a gogagogana le go bapala le bona lebatong. Bjale ga ba na tate. Gomme bakeng sa mosadi yola yoo... mosadimogatša wa gagwe, gore monnamogatša wa gagwe mong o wetše thwi ka difarong tša gagwe, gomme madi a gagwe a kitimela ntle godimo ga roko ya gagwe; a sa tšo boloka lesea la gagwe.

¹² Gomme efela, Morena, re ka no dumela mosadi ge a le phošong, ya tse—tse—tse tsela ye a beilego lebelo ka setšhabeng, la moaparo wa gagwe le go ya pele; eupša seo—seo se ka ba go batho ba Amerika, ka moka, bona, gore ke seo ba se nyakago. Kafao re—re a mo rapelela, mosong wo, gore O tla mo thusa. Gomme a nke go be le nako ka go karoganomanyami ye ya go teba gore o tla hwetša se e lego Therešo, Jesu Kriste! E fe, Morena, yo Yena Yo a ka kgonago feela go fa khutšo le khomotšo mo iring ya bothata.

¹³ Gomme re thuše, Morena, go tšwelapele go ba, ka dipelo tša rena tšohle, seetša sa go phadima, gore ga re tsebe ke nako efe goba khuetšo efe re ka bago le yona godimo ga yo mongwe gape. A nke re phadimišetše pele Seetša sa Kriste go fihla A etla. Nako yeo Modiši yo Mogolo wa mohlape, Yo a tsebago toka yohle, o tla tliša sebe se sengwe le se sengwe ka go moptuso, gomme O tla tseba feela mokgwa wa go e dira. Gomme go fihla nako yeo, re gafela renabeng ka diatleng tša Gago, bakeng sa lerato le kgaogelo ya Gago godimo ga rena. Leineng la Jesu. Amene.

¹⁴ Ee, ga ke nagane motho o swanelwa ke go hwa ka mokgwa woo. Bjale, Mna. Lincoln o be se a swanelwa ke go hwa ka mokgwa wola. Mna. McKinley o be a se a swanelwa ke go hwa ka mokgwa wola. Huey Long o be a se a swanelwa ke go hwa ka mokgwa wola; e sego yo motee wa bona baisa. Ga ke dumele ka go yeo. Dipolao, tše e lego tše mpe. Bašemane ba rena ga se ba lwa mošwalewatle bakeng sa se sengwe boka seo. Folaga ya rena ga se e emišwe bakeng sa se sengwe boka seo. Ga se rena badudi ba Amerika bakeng sa se sengwe boka seo. Aowa. Le ge, setšhaba sa rena se tantšwe le go phetlagana le sebe, seo ke—seo ke se se dirago dilo tše. Seo ke sebe.

¹⁵ Bjale, lehono re swanetše... ke ya go ruta sekolo sa Lamorena, le dilo tše mmalwa tše ke tla ratago go di bolela

go kereke. Gomme seo ke, selo sa pele, Ke tla rata le tshwarele bakeng sa go le swarelala bohle botelele ka Lamorena mesong ge ke na le Melaetša ye. Gomme ka gona ge Morena a rata... Lebaka ke dirago se, ke ka gobane gore ke—ke mo magareng ga batho ba ka gomme ke—ke ruta dithuto feela ka maatla bjalo ka ge ke tseba bjang. Ga ke rute dithuto tše ntle go mafelo a mangwe. Ke no ema godimo ga—ga motheo mogolo wa Ebangedi. Eupša dithuto tše tseo di tiilego, ga—ga ke di rute ntle ka go—ka go mafelo a mangwe. Gomme ka gona, mo, go ntsea iri, nako ye nngwe, diiri tše pedi goba tše tharo, go ya go kgabola Molaetša wa ka. Gomme ke a le swarelala mo dinako tše dingwe, masometharo go tšwa go lesomepedi, iri ya pele. Gomme seo e no ba se sennyane se ke bego ke tlwaetše go se dira. Ke tla dula bošego bjhole, go nyakile, nako ye nngwe. Ke ile, re thomile ka gare, nako ye ntši, go iri ya seswai le go ya gae mosong wo o latelago ka pedi goba tharo, yeo ke nnete, go tšwa dikopanong.

¹⁶ Eupša ke—ke—ke ya go leka go, ge ke etla le lena gape, gomme feela ye—ye nnyane...thero sebakeng sa thuto ye ntši bjalo ya ye, ntle le ge ke le tsebiša pele ga nako gore e tla ba se sengwe. Ka baka la gore, ke na le Diphalafala tše di Šupago, ke a dumela, di tla godimo, tše di tlemaganago thwi ka gare go Lehuto la Boselela. Ge Lehuto la Boselela le galagatswa, Diphalafala tšohle tše Šupago di letše gatee, le a bona. Gomme kafao re...ke tla rata go tliša seo go Kereke pele ga go Tla ga Gagwe, ge...goba go sepela ga ka, goba e ka ba eng e ka bago, ge nka kgona.

¹⁷ Bjale, ge re dira seo, gona re tla le tsebiša pele ga nako. Gomme mohlomongwe gona, bjalo ka ge re bona mosong wo, diholo di pitlagane, le maboto, le go dikologa, re tla leka...Re ne lefelo bjale re ka kgona go fihla godimo fa. E dudiša batho ba e ka bago dikete tše tharo, gomme ke otithoriamo ye botse ya sekolo thwi godimo ga rena mo. Gomme Diphalafala tše Šupago, re tla leka go di rera godimo kua sekolong sela. Gomme seo se tla fa sebaka se sentši sa madulo, le a bona, gore re kgone go tliša batho ka gare.

¹⁸ Re nyaka go bega, ka New York, re nno ba le nako ya go makatša. Otithoriamo ya Morris kua, re ile ra no swanela go raka batho, bošego bjo bongwe le bjo bongwe. Ba be ba pitlagane ka gare. Mollo...Monna yo a lego mong wa lefelo...Molaodi wa mollo o be a tla tswalela lefelo ge re ba tlogela ba eme, ba pitlagane ka mokgwa woo. Gomme ka gona re ile ra swanela go ba gomiša. Gomme batho ntle mo mokgotheng, ba sepela godimo le tlase mokgotheng, ba rapela gore yo mongwe o tla lapa le go tsoga le go ya ntle, gore ba kgone go tsena ka gare le go hwetša setulo. Le a bona? Feela motho o tee, ba no leta ntle fale bakeng sa motho o tee, go tsena. Le yo a lego hleng le yo a lego mojako, gomme ka gona ba dumelela yo motee go tsena ka mokgwa woo. Ge yo mongwe a emeleta le go ya ntle, o be a swanela go ya gae

ka pela, gabotse, ba tla tsena ka gare le go abelana bontši bjoo bja sona. Le a bona, ba tla tla. Ke se sekaone kudu, sehlopha se sekaone sa batho. Gomme ke dumela lefase, kereke ya Bokriste, e swerwe ke tlala ya Modimo.

¹⁹ Bjale ke—ke—ke tshepa gore... Ke a go leboga, ngwanešu. Ke—ke a tshepa gore—gore Modimo o tla re fa sebakabotse se, moo re ka tlago mmogo le go ba le Diphalafala tše di Šupago tše o tšeo tšeo mafelelo. Ke rata go hlahlwa go dira dilo tše, gore le tle le tsebe.

²⁰ Ka gona difihlolong tša banna ba kgwebo... Ka mehla, lefapha la bona kua, ke a nagana ba rile ba bile le e ka ba kae go tloga go masometlhano go fihla go lekgolo difihlolong tša bona. Gomme mosong woo ba rekišitse dithekethe tše makgolo a lesomešupa, le go hira lefelo ka moka ka gare, go tlatša lefelo. Gomme mokgolokgotha wo mongwe le wo mongwe, le go dikologa maboto, le godimo le fase ditepisi, o be o eme ka batho. Gomme badiredi ba maemo a godimo, baprista ba se bakae, le—le go ya pele, ba be ba le fao go kwa Molaetša. Gomme kafao, ke a kwešiša, ke a dumela e thusitše gannyane. E ka no ba e dirile sengwe—sengwe go feta, bokaonana go feta se re bego ka kgonthre re nagana se be se tla ba.

²¹ Bjale, gona, bošegong bjo... Re ya go ba le... Molaetša bošegong bjo, Morena ge a rata, ka—ka thuto ya—ya fao, ka maemo a gago le Kriste. Gomme bjale seo se tla... E tla ba o mokopana. Re nyaka go thoma, ke nyaka go ba godimo ga difala ka seripagare sa bošupa. Ge... Ka mehla le thoma ka nako mang, ka seripagare sa bošupa? [Ngwanešu o re, “Re thoma ka seripagare sa bošupa, eupša re tla thoma ka šupa.”—Mor.] Oo, šupa, gomme ke tla ba sefaleng ka masometharo a šupa, gomme seo se swanetše go ntloša ka seripagare sa seswai, ge Morena a rata, gobane ke—ke no... ke ya go no ba ka pela ka mo nka kgonago, gomme ke ya go thoma go šoma.

²² Ka gona selo se sengwe, ke, e ka no ba basetsebje ba bangwe ba kwago batho ba sega. Gobane, ke leka go tloga fa, eupša ga ke kgone go e dira. Ke mohuta wa... ke a holofela ga e kwagale nyefolo, eupša mme wa ka o be a fela a re, ge batho ba etla mmogo ka mokgwa woo, go no swana le molasese wa mabele mosong wa go tonya. Le a tseba, ke o mokoto, gomme o kitima ka go nanya. Gomme kafao yeo e mabapi le tsela ye e lego. Ke kitima ka go nanya ka go Melaetša ye, gobane bo—bo bobose bja moba wa Modimo, le a tseba, bo mohuta wa go re kotofatša mmogo. Gomme ga—ga—ga ke, nka se e nyake ka tsela ye nngwe. Ke—ke no e nyaka ka tsela yeo. Moo, ke elelwa re be re fela re ema le go opela pina yela:

Go šegofala go be setlemi sela sa go tlemaganya
Dipelo tša rena ka lerato la Bokriste;

Kopanelo ya rena ya monagano wa leloko
E swana le yela ya Godimo. (Le a bona?)

Re arogana go šwalalana,
E re fa bohloko bja ka gare;
Eupša re sa no ba re tlemagane ka pelong,
Le go holofela go kopana gape.

²³ Gomme ke—ke a tshepa gore yeo ka mehla e tla ba nepo ya rena—ya rena fa. Bontši bja bakgethwa bale ba kgale ba robetše ge e sa le nako yela, eupša re sa kopane ka pelong. Gomme ke nagana pono yela mosong wola, go ba bona godimo fale, gomme dibopego tša boswa tša monna le bosadi tša go šegofala le letago, di sa lebega boka ba dirile mo, ge ba be ba le mo lefaseng. Ke nagana ba letile go tla ga rena. Letšatši le lengwe re tla ba tšoena, Modimo ge a rata. Bjale ke—ke . . .

²⁴ Gomme elelwang ditirelo, ditirelo tša pina di tla thoma ka iri ya bošupa bošegong bjo, sebakeng sa masometharo a šupa.

Gomme ka gona, beke ye e latelago, ke ka Shreveport, Louisiana, le kua ka Life Tabernacle ka Shreveport, Louisiana. Gomme ke nagana ba leka go hwetša otithoriamo go kgabaganya mokgotha. Ngwanešu Moore o leditše bošego bja go feta, o rile ba . . . Ke khonferense ya ngwaga ka ngwaga, gomme ba letetše lešaba le legolo la batho.

²⁵ Ke nyaka go fa bopaki bjo bonnyane feela pele ke bala Mangwalo. Mo—mo mohumagadi o be a dutše fa letšatši le lengwe, go bile . . . Ke le botša se khuetsō e lego ya yo mongwe a rapelela yo mongwe. Ke nno direga go lebelela tlase le go bona mohumagadi yo mongwe ke no . . . Margie Cox, mosadimogatša wa Ngwanešu Rodney Cox a dutšego fa. Gomme beke ya go feta, ke a dumela e be e le, ge re be re le mo, Moya wo Mokgethwa o be o efa tlhatho go kgabaganya meago, le a tseba, ka fao batho ba boletšego. Gomme o be a dutše . . . O dutše thwi mo bjale. Eupša o be a no ba mošola kua felotsoko. Gomme ke—ke lebeletše godimo, gomme go be go le mohumagadi yo—yo a bego a bitšwa, yo a bego a na le bolwetši bja swikiri. Gomme Margie o be . . . Gomme ka ponong e be e le Margie. Gomme Margie o be a eme fale; gomme efela ke lebeletše tlase, ke mmone, gomme e be e le . . . Gomme ke naganne . . . Gomme ke lebeletše go bona mosadi yo mongwe yo, gomme Margie o be a le ka ponong, eupša Seetsa se be se le godimo ga mosadi. Kafao ke—ke šeditše.

²⁶ Gomme ke naganne, gabotse, ge nka bitša Margie, ba tla re, “Kgonthe, yoo, kgonthe.” Yo mongwe o a ba tseba, ba re, “Gobaneng, o—o . . . Monnagatša wa gagwe e no ba yo mongwe wa bagwera ba gagwe—ba gagwe ba hlogo ya kgomo. Ba phela mmogo, ba robala mmogo, ba tsoma mmogo, le—le se sengwe le se sengwe. Nnete, ke gore, o tla tseba seo.” Eupša Margie ga se a tseba seo. Eupša ke biditše mohumagadi yo mongwe, yo a bego a

le...ke a dumela, o be a le kgaetšedi go tšwa Chicago, bjalo ka ge ke tsebile moragwana.

²⁷ Eupša ka gona a tla, gore ka go ya gagwe...fektori, ba fa diteko tša bolwetši bja swikiri. Gomme—gomme o be a na le bolwetši bja swikiri. Gomme kafao o be a le tseleng ya gagwe, letšatši pele ga maabane, go ya kliniking bakeng sa yona. Gomme—gomme kafao ge a e boletše, gona ke eleditše mogopoloo wa gagwe wa se. Gomme ke rile, “Etla mo, Kgaetšedi Margie.” Gomme ka mmotša ka fao a bego a swarwa ke bogatšu ka diatleng tša gagwe, le—le ka fao maikutlo a mabe ka kgonthe.

Mohumagadi yo monnyane o šoma mosegaré le bošego, go nyakile, godimo fale, go...mme yo monnyane wa go botega, go thuša monnamogatša wa gagwe go lefa bakeng sa legae la bona leo ba lekago go le aga. Gomme—gomme yena le samme wa gagwe yo monnyane, Nellie, le Charlie, yoo ke ngwanešu wa Rodney, mosadimogatša wa gagwe, le bohole ba bona ba šoma mmogo go tšona difektori fale, feela ka maatla ka fao ba kgonago go ya. Gomme ba emela kgobogo. Ba tlogela moriri wa bona go golela ntle, le go tloša meikapo, dilo boka tseo, mola ba bilego Bakriste. Ke dumela go fa moputso moo moputso o swanelago. Gomme ka kgonthe ke na le lefelo la go ruthela ka pelong ya ka bakeng sa basadi bale ba babedi ba baswa.

²⁸ Gomme ka gona ka mo tšea ka seatla gomme ka mo rapelela. Gomme o ile godimo, gomme ga se ba kgone go hwetša mohlala wa bolwetši bja swikiri kae kapa kae. E sepetsé, bjalo.

Mohumagadi o dutše thwi ka fa felotsoko, yoo a biditšwego, gomme e be e le kgaetšedi ka leina la Bruce. Ga ke mmone mosong wo, eupša ka mehla o be a...O bontši kudu bja mosadi go rapela. Gomme mosadi yo o tlie ka gare gomme, e bile nako ya go feta ke bego ke le mo, gomme go be go se—go se dikarata tša thapelo di filwego, goba selo, kafao go ka se be motho, go se mothalo wa thapelo, kafao ba no...Moya wo Mokgethwa o nno bitša batheeletši.

²⁹ Gomme Mohumagatšana Bruce yo monnyane yo, o ile—ile a fodišwa gatee, yenamong, ka kankere. Gomme o—gomme ka mehla o be a no hwetša morwalo pelong ya gagwe bakeng sa yo mongwe gape, gomme o be a no rapela. Gomme go be go le mohumagadi go tšwa Louisville, yo a bego a ehwa, kankere ka mogolong. Gomme ge a be a rapela, Moya wo Mokgethwa o ya thwi go mosadi yola, wa mmitša, le e ka ba eng O e dirilego, wa mmotša o be a le mang, o mmoditše, a ke re, o be a le mang, le se bothata bja gagwe bo bego bo le sona, le ka yena a na le kankere gomme o rile o, go be go tla loka. Gomme mohumagadi yo monnyane o ile gae.

Matšatši a se makae ka morago ga fao, o ile a no thoma go kgamego go iša lehung, e nyakile, feela mogolo wa gagwe o

kokomogile tsela godimo. O fa go kgohlola go gogolo, gomme kankere e tabogetše ntle. Gomme o phethagetše. Le a bona?

³⁰ Go diregile eng, le a bona, sekutu, ka bosona, ke go phera go go nago le bophelo ka go bjona. Le a bona? *Kankere*, yeo e tšwa go le—le lentšu, lereo la dihlare, la “tšenkerepe,” go rago e na le maoto a mantši, boka tše—tše tšenkerepe o e hwetšago go tšwa lewatleng gomme—gomme e mona madi a gago go tšwa go wena. Gomme sehloga se sa go phera mo mogulong wa gagwe se be se, e be e le, ke seo se bego se se dira.

Bjale, le a bona, ga ke mekamekane le sehloga. Ke mekamekana le bophelo bjoo bo lego ka go sehloga. Le a bona? Bophelo bjo bo lego ka go sehloga ke se re mekamekanago le sona. Le a bona? “Leineng la Ka ba tla lelekela bodiabolo ntle.” Lentšu *diabolo* ke “motlaiši,” go swana le wa mmele. Gomme yo e be e le diabolo. Gomme ka gona ge bophelo bo tšwetše ntle ga sehloga, nnete, seo se dira go sehloga go thoma go kokomoga.

³¹ Go no swana le mpša ye nnyane yeo e thutšwego mo mokgotheng, se sengwe boka seo, a nke e dule fale ka letšatšing lebaka la matšatši a se makae, gona, gomme e ba bogolo bja yona gabedi.

Gabotse, seo ke se se bego se dira mosadi yo monnyane go gakala kudu. Makga a mantši ke e hlalošitše. Ge o gakala, leo ke lona leswao gore o fodišitšwe, le a bona. Gomme kafao go be go no gakala kudu nako yohle, le go mo kgama, gobane e be e kokomoga. Gomme... Eupša e ile ya lokolla, bophelo bo be bo tšwele go yona. Gomme go gohlola ga gagwe ka mokgwa woo, le a bona, [Ngwanešu Branham o a kgohlola—Mor.] ka mokgwa *woo*, go tabogile, go e gogile go tloga go nama ka moka. Gomme selo sa go hwa, feela mmele o se na le bophelo ka go ona, kankere e ile, e tabogetše ntle, le a bona, ya wela ntle.

³² Kafao, seo ke se, mmele o ile ntle nako yeo. Yoo e be e se diabolo a ilego ntle. Woo e be e le ngwako wo a phetšego ka go ona. O ile ntle ka gore tumelo ya mosadi ka go se a mmreditšego, go tsebeng gore Jesu Kriste o a swana maabane, lehono, le go ya go ile, seo ke se sa go bolaya kankere, sa ntšhetša bophelo ntle.

Bjale, a ka no ba a ile morago go ngaka, gomme ngaka o rile, “Ditšiebadimo, se—se—se selo se no ba fale go swana le ge se bile ka mehla.” Eupša seo e be e le therešo, sehloga se be se le fao, eupša e sego bophelo, bo be bo se gona fao. Le a bona?

³³ Bjale, go ka reng ge bo ka be bo be bo le felotsoko moo bo sego bja kgona go—go fetela ntle?

A seo ke seswantšho? [Ngwanešu Neville o re go Ngwanešu Branham, “Seo ke seswantšho sa sehloga seo se fetilego go tloga go Mdi. Baker, go tšwa godimo ka Springville, Indiana. Gomme o... Se ke seswantšho se se godišitšwego, seo a se ntšhitšego, ka morago ga thapelo.”—Mor.] Seswantšho sese go tšwa go Mdi. Baker, go tšwa Springfield, Indiana, seo se fetile, ka morago ga

thapelo. Seo ke seswantšho sa yona. Le a bona, woo ke mmele wo diabolo a phetšego ka go ona.

Go no swana le ge o phela ka mmeleng wo o phelago ka go ona; o ka no ba wo monnyane, wo mogolo, wa hlogokhubedu, hlogontsho, eng kapa eng e lego yona. Le a bona? Diabolo e ba o phela ka mmeleng wo, goba Kriste o phela ka mmeleng wola. Gabotse, gona ge bophelo bo tšwela ka ntle ga ona, mmele wa gago o sa le fa mo lefaseng, le a bona, eupša bophelo ga bo gona.

Ge bophelo bo ile ntle, mmele o be o sa le gona. Gomme ka gona wa ripa go tlemologa go tšwa mmeleng wa gagwe le go lahlelwa ntle, mmele wa ya ntle.

Eupša ge e le ka lefelong e ka se kgone go feta, gona pelo ya gago e swanetše go topa selo sela sa go hwa le go hlwekiša madi, nako le nako ge a rethetha. E hlola letadi, le se sengwe le se sengwe gape, ka gore ke tshwaetšo. Le a bona? Gomme pelo ya gago e swanetše go . . . ke a nagana pelo e hlwekiša madi ge e feta. A yeo ke nnete, Kgaetšedi Dauch? Ke nagana seo se lokile. Pelo, ge e rethetha, e a hlwekiša. Mooki, le a tseba, gomme yo mongwe o dutše mo ka pele ga gagwe. Go hlw- . . . go topela godimo . . . Gomme seo ke se se hlolago letadi go tšwa go tshwaetšo. E topa tshwaetšo gomme—gomme ya kitima letadi.

³⁴ Bjale, batho, le a bona, ke tumelo ya lena. Ga se nke gwa tsoge gwa ba maikutlo a lena. Ga se selo, ge eba go bjalo, ge seatla sa ka se se sa otlologa. Seo ga se ne selo se tee go dira le yona. Ke tumelo ya ka ye e dirago seo. Le a bona? Thwi pele ga rena, re bona seswantšho sa motho wa go fodišwa ka go phethagala, ka tumelo. Gomme ka gona re no dira kgato ka kgato go fihla re gatela thwi ka go motho yoo, le go no sepelela pele thwi le yona. Le a bona? Ke lena bao. Gomme seo, seo ke se se e dirago, tumelo ya gago; e sego maikutlo a gago. Tumelo ya gago e a e dira. Ditebogo le tumišo di be go Modimo!

³⁵ Bjale feela nakwana ya thapelo, gomme re ne thuto fa yeo re nyakago go fa kelohloko go yona, le nako ye nnyane yeo Morena a tla mekamekanago le rena go ya ka ye.

Gomme, bjale, gomme ka gona ge ba bangwe ba lena le swanetše go ya mosong wo, gomme ba ka se be tirelong ya mantšiboa, Morena ge a rata, ke—ke nyaka go ba mo gape. Lapa le tla morago bekeng ya Krisemose. Gomme ka gona, Lamorena morago ga Krisemose, Morena ge a rata, ke nyaka go rera Molaetša wa ka wa Krisemose mo ka tabarenekeleng; Lamorena morago ga Krisemose. Morena ge a rata, sehlogo e tla ba, *Hopo Mo Mokgotheng*.

Kafao a re inamišeng dihlogo tša rena bjale le go neela thapelo pele re bala sehlogo.

³⁶ Morena Jesu, Wena e ba kgauswi le rena feela ka nako ye. Gomme re a tseba gore go bothata ka kerekeng ya rena ye nnyane, gomme ge bontši bo ema. Gomme—gomme re mo e sego ka baka

la boiketlo bja lefelo, seo se re fa boiketlo bja mmele wa nama, gobane ga se wa iketla. Gomme ga re mo go bonwa. Eupša re mo ka gore re ikwetše Bogona bja Gago. Gomme re a tseba gore O mo. Gomme re mo bakeng sa phošollo. Gomme re mo, go tseba gore re ka ntlong ya Modimo. Gomme re ikwela gabotse go ba mo, ga go kgathale gore go go se iketle bjang, go ema, le—le go dula ka go pitlagana, eupša re mo ka gore re—re ikwela gore Modimo o mo.

³⁷ Gomme tsela ya go swana mošemane yola a swanetšego go be a ikwetše bošegong bjola, ge Paulo a rerile botelele bošego bjohle, a molaetša wo motelele, go tšwa go molaleng go dikela ga letšatši go fihla go hlabeng ga letšatši, mosong wa go latela. Gomme moisa yo moswa a dutše godimodimo, o wele gomme ba naganne o be a ile. Gomme Paulo o beile mmele wa gagwe godimo ga gagwe, le Moya wa Modimo wo o bego o le godimo ga motseta o tlišitše morago moyo wa bophelo ka mmeleng wa mošemane. Gomme o rile, “O tla ba gabotse,” gomme lesogana le phetše. O be a ne kgahlego ka go se Paulo a bego a se bolela.

³⁸ Gomme, Modimo, re ne kgahlego mosong wo se Moya wo Mokgethwa o ka se bolelago go dipelo tša rena. Gomme re a rapela gore O tla ngwathela Borotho bja Bophelo go yo mongwe le yo mongwe wa rena, gore ge re tloga fa lehono, gore re ka se tlogele moago wo batho ba go swana re bilego ge re etla ka gare. A nke Bakriste ba be kgauswana le Wena. A nke badiradibe ba retologe lehono. A nke balwetši ba fodišwe. Gomme a nke Mmušo wa Modimo o tle kgauswi le rena, goba ebile go ba ka go rena. Ka gore re e kgopela ka go la Jesu Kriste Leina, ge re letetše go Moya wa Gagwe go re fa Mantšu. Amene.

³⁹ Bjale a re baleng le lengwe la Lengwalo, leo e lego . . . Lentšu la Modimo ka mehla le nepile.

Gomme bjale, gomme yo mongwe le yo mongwe, ke a bona le botho kudu go bao ba emego. Ke bona yo mongwe a emeleta le go dula fase, gomme a fa yo mongwe gape setulo. Seo se kaone kudu. Ke duma ge nkabe re na le sekgoba se sentši, eupša re no se be le sona, gomme ka nako ye.

Phetlang go Mateo 27, gomme re tla bala go tloga go temana ya 11, gomme ka gona re tla bolela ka thuto ye.

Gomme Jesu o eme pele ga mmušiši: gomme mmušiši a mmotšiša, a re, A o Kgoši ya Bajuda? . . . Jesu o rile go yena, Wena o boletše.

Gomme ge a pharilwe molato ke baprista bagolo le ba bagolo, ga se a araba selo.

Ka gona Pilato a re go yena, A ga o kwe ke dilo tše kae ba di hlatselago kgahlanong le wena?

Gomme a se mo arabe le ge e le ka lentšu; go fihle mmušiši a maketše gagolo.

Bjale mo mo moketeng mmu—mmu mmušiši... o be a fele a lokollela batho mogolegwa, yo ba bego ba tla mo rata.

Gomme nako yeo ba be ba na le mogolegwa wa go hlomphega, a bitšwago Baraba.

Kagona ge ba kgobokane mmogo, Pilato o rile go bona, Ke mang yo le ratago ke le lokollela yena? Baraba, goba Jesu yo a bitšwago Kriste?

Ka gore o tsebile gore ba mo gafile bakeng sa mona.

Gomme o be a dutše fase setulong sa kahlolo, mosadimogatša wa gagwe o mo rometše, a re, O se be... le selo go dira ka monna yo wa moloki: ka gore ke tlaišegile dilo tše ntši letšatšing le ka torong ka baka la gagwe.

Eupša baprista bagolo le bagolo ba phegeletše lešaba gore ba swanetšego go kgopela bakeng sa Baraba, gomme ba bolaye Jesu.

Mmušiši a araba gomme a re go bona, Ke ofe wa ba babedi ba le tla ratago gore ke le lokollela yena?... (E no naganang ka seo!)... Ba rile, Baraba.

Pilato o rile go bona, Ke tla dira eng gona ka Jesu yo a bitšwago Kriste? Ke tla dira eng gona ka Jesu yo a bitšwago Kriste? Gomme bohole ba re go yena, A a bapolwe.

Gomme mmušiši o rile, ...ke bobo bofe a bo dirilego? Eupša ba goeleditše go feta, ba re, A a bapolwe.

Nako yeo Pilato o bone gore o be a sa kgone go fenza selo, eupša gore golebjalo tlhakahlakano e be e dirilwe, o tšere meetse, gomme a hlap diatla tša gagwe pele ga lešaba, a re, ga ke ne molato wa madi a monna yo wa moloki, lena e iponeleng.

Ka gona batho bohole ba araba, gomme ba re, madi a Gagwe a be godimo ga rena, le godimo ga bana ba rena.

Morago a ba lokollela Baraba: gomme ge a otlide Jesu, a mo gafela bona gore a bapolwe.

⁴⁰ A seswntšho sa go nyamiša! Ke bitša sehlogo sa ye, ge le ka nyaka go se ngwala ka tsela yeo, goba go se bitša seo. Gomme mohlomongwe theipi e tla nyaka se bitšwa se: *Ke Tla Dira Eng Ka Jesu Yo A Bitšwago Kriste?* Gomme thuto ye ke nyakago go e šomiša, ka morago ga ge seo e le sehlogo; ke nyaka go šomiša thuto, “le Jesu godimo ga diatla tša gago.” Le Jesu godimo ga diatla tša gago, o tla dira eng?

⁴¹ Lefelotiragalo la rena le a thoma, mosong wo, ka holong ya kahlolo; moo Pilato, mmušiši, a bego a bileditšwe go lefelotiragalo, go—go dira le—le go dira kahlolo. Go be go sa le

ka leselaphutiana mosong, lebakana pele ga seetša sa letšatši, gomme o be a tshwentšwe go tšwa borokong bja gagwe, gomme—gomme o bileditšwe ntle go kwa ta—ta taba ya Monna yo.

⁴² E be e le nako ya go bapolwa ga Morena wa rena le Mophološi, Jesu Kriste. O be a—O be a se a dira selo, bjalo ka ge ba kgonne go hwetša ka go Yena, gomme O be a—O be a arabile se sengwe le se sengwe. E be e no ba iri ye e bego e swanetše go ba ka tsela yeo.

Ga go selo se se ka diregago ntle le ge go le se sengwe ka morago ga sona go se hlola ka tsela yeo. Go swanetše go ba lebaka tsoko bakeng sa se sengwe le se sengwe seo se diregago. Ka gobane se—se a tutuetšwa, ka nnete, ke mo—mo moyo wo o lego ka go diphedi, le ka go batho, le go ya pele. Go na le maikaelelo, maikaelelo a sona, le ma—le maikemišetšo, gomme go swanetše go ba lebaka.

Gomme go, lebaka le se ilego sa swanela go direga go Monna yo mogologolo yo a kilego a phela lefaseng, goba a ka tsogego a kgona go phela; lebaka le se diregilego ka tsela ye, gobane e be e le nako ya sona go direga. Le a bona? E swanetše go ba bjalo, gomme go be go se tsela ya go e phonyokga. E, e be e swanetše go ba nako yeo.

Gomme Jesu o tlile lefaseng feela tlwa ka tsela ye Lentšu la Modimo le akanyeditšegopele gore O be a tla tla. O dirile feela tlwa se Lentšu le rilego O tla dira. O phetše bophelo, feela tlwa, gomme Modimo a dira go tsebjia, goba go bonagatša, Peu ya nako yeo. Bjale elelwang, Modimo . . .

⁴³ Beibele e thoma ka go Genesi gomme e ya go Kutollo. Bjale thuto še yeo ke—ke nyaka le kwešiše, gore . . . Le a bona, ka go moloko wo mongwe le wo mongwe go boletšwe, ka Beibeleng, ka selo se se itšego se direga go kgabola moloko wo mongwe le wo mongwe.

Boka Daniele a bone . . . hlatholla toro ya Nebukadinetsara; ka fao mebušo ya Bantle e tlago go tsena, le ka fao e tla yago fase, le ka fao e tla yago ntle. Gomme yo mongwe le yo mongwe wa batho bao ka go yona merafe le ditšhaba tšela, maatla ale a Bantle ao a laolago, o laotše lefase, o dirile feela tlwa ka tsela ye pono e rilego ba tla dira.

⁴⁴ Ge Nebukadinetsara, hlogo ya gauta, a tšerwe, morago Bameda le Baperesia ba tlile ka gare; le tlhago ya tšona, go ya ka tlh—tlh tlhago ya materiale, le go ya ka se mopropeta a se boletšego, feela tlwa. Nebukadinetsara, hlogo ya gauta, e lego ye kgolokgolo le ya pele ya Mmušo. Morago Bameda le Baperesia ke silibere. Gomme ka gona go ya pele go theoga go ya ka diropeng, tša—tša go beng wa mphiri. Gomme metale wo mongwe le wo mongwe o ba o mothatana le wo mothatana; gauta e lego ya boletaleta. Gomme e felela ka tshipi, yeo e lego ye thatathata go tšohle tša tše, ke tshipi.

Bjale, wo mongwe le wo mongwe wa mebušo yeo o tla fase feela tlwa, ka tlhago, tsela ye moprofeta a boletšego gore e tla dira. Gomme o be a dira eng? O be a bjala peu bakeng sa ditšhaba go e hlokomela, gomme nako ye nngwe le ye nngwe ge mmušo wola o neetšwe, o ile wa swanela go dira go ya ka se Lentšu lela le se boletšego.

⁴⁵ Gomme nako yeo Mesia o be a swanetše go tla go lefelotiragalo. Gomme ge Kriste a etla go lefelotiragalo, O ile a swanela go araba Mantšu ale a Modimo ao a bego a swanetše go phethagatšwa, ao moprofeta a a boletšego, seo A tla se dirago.

Moshe o rile, “O tla ba—O tla ba Mopropfeta wa go swana le nna.” Gomme ge le ka be... re bile le nako go kaya seo morago le go bontšha feela ka fao gore mo nakong ye tonagadi yela, ge Israele e be e le bothopša ka Egepeta, bja ka fao gore Moshe o tswetšwe wa learogi, ngwana wa moswananoši; le ka fao gore o—o tlie godimo, gomme a godišwa, le ka fao a bego a utilwe ka mahlakanokeng; le ka fao a bilego moetapele, o ile ka dithabeng gomme o hweditše molao, gomme o tlie morago tlase. Gomme o be a se feela moetapele; eupša o be a le moprista, le Kgoši, le mmušiši. Dilo tseo tšohle, le ka fao di no kayago Kriste tlwa. Gomme Moshe o rile, “Morena Modimo wa lena o tla tsoša Mopropfeta boka nna.” Le a bona?

⁴⁶ Bjale, ge Kriste a tswetšwe, Israele e be gape e le bothopša ka Mmušo wa Roma. Gomme O be a le eng? O tswetšwe Ngwana wa moswananoši, le learogi, ka mokgwa wo A godišitšwego. Ka fao A ilego godimo ka dithabeng, gomme o tlie fase gomme o rile, “Le ba kwele ba re, bona ba bogologolo, ‘O se ke wa utswa.’ Le ba kwele ba re, ‘O se ke wa dira bootswa,’ eupša Ke re, mang le mang a lebelelago mosadi go mo kganyoga, o šetše a dirile bootswa.” Mofi wa Molao, le a bona, le Kgoši, Moprista, Mopropfeta, feela tlwa go swana le yena. Kafao dilo tše tšohle di ile tša swanela go phethagatšwa, gomme ge sekgala sela se robetše kua bakeng sa bophelo bja Mesia, ge seo se be se hlatselwa ka go phethagala.

Bjale, ye e ka no ba thuto ya mafelelo ye telele ke e rutago lebakana. Ke nyaka le e hwetše kgauswi bjale.

⁴⁷ Ge Lentšu le boletšwe go moloko wo o itšego, fao go ya go ba yo mongwe a tsogago go lefelotiragalo yo a tla phethagatšago Lentšu leo, ka baka la gore Modimo o Le boletše. Ke bohlatsa bja Lentšu le le boletšwego. Gomme Jesu o kgotsofaditše maswanedi a mangwe le a mangwe, gomme o be a le Lentšu, le hlatsetše bjalo ka Mesia, tlwa. Gape go na le Mantšu, a boletšwego ka Beibeleng, bakeng sa letšatši la mafelelo. Mantšu ao a swanetše go tla bophelong.

⁴⁸ Gomme re hwetše mo gore, ge ka matšatšing a Morena wa rena, kereke e be e šetše e Mo ganne pele A etla holong ya Pilato ya kahlolo. Ba be ba Mo ganne, go tloga lona letšatši leo bodiredi bja Gagwe bo thomilego go profeta le go ba botša Therešo ka

ga Lentšu. Ka gona, ga se ba ke ba kgona go kwešiša seo, ka fao Yena, go beng Motho, o be a kgona go tseba se se bego se le ka dipelong tša batho. Bonnyane ba be ba sa tsebe, gore, Lentšu ke Modimo! “Gomme Lentšu,” Beibele e rile, “ke mohlathi wa dikgopololo le maikemišetšo a pelo.”

⁴⁹ Gomme ba nyakile go Mmitša moyo wo mobe. O rile, “Ke tla le lebalela bakeng sa seo. Eupša ge Moya wo Mokgethwa o etla go dira selo sa go swana, go bolela lentšu kgahlanong le Ona go ka se tsoge go lebaletšwe.”

Gomme dilo tše tšohle tše A profetilego go ba mo letšatšing le, se sengwe se swanetše go tliša seo bophelong. Eupša ge O tlišwa bophelong, O tla fapanu kudu go feta ka mo batho ba naganago gore O gona, go fihla e tla—e tla ba feela Bakgethiwa ba tla O bonago. Ka mehla, feela Bakgethiwa ke selo se nnoši seo se tla O bonago, gobane O kgethilwe le go beelwa go O bona. Kagona, e ka se kgone, tsela ye nngwe.

⁵⁰ Jesu o rile, “O ka se tle go Nna. Ga go motho a kgonago go tla ntle le ge Tate wa Ka a mo goga; gomme bohole ba A Mphilego ba tla tla go Nna.” Le a bona? Le a bona? Kafao go be go se tsela. O rile, “Le ne mahlo gomme ga le kgone go bona; ditsebe, ga le kgone go kwa.” O rile, “Jesaya o profetile gabotse ka lena.” Le a bona? Seprofeto sa Jesaya se tabogela godimo, go dirwa go bonagala.

Le se lebale seo, mo goba motheeletši wa theipi, gore Lentšu la Modimo le swanetše go bonagatšwa. Modimo o tlamegile go bona gore Le a e dira.

⁵¹ Feelaljalo ka ge Johane Mokolobetsi a beetšwepele go bula madibogo a go tla ga Kriste, go be go swanetše gó ba monna yo mongwe a tsogela godimo go tšeа lefelo leo. Lentšu lela le swanetše go phethagatšwa.

⁵² Ka gona ge Jesu a etla bjalo ka motlotšwa Mesia, gomme o dirile feela tlwa se Lentšu la Modimo le rilego O tla se dira; gomme efela Bajuda ba be ba lebeletše se sengwe gape, “Kgoši a etla ka molamo wa tshipi ka seatleng sa Gagwe,” ye e bego e le kgole ka moso. Eupša O phethagaditše Lentšu le lengwe le lengwe.

Fale letšatši le lengwe ka Kaperenaume, ge A topile Lengwalo gomme a bala, (a le hlokometše?) O nno bala karolo ya Lengwalo lela. Gomme morago O beile Puku fase, gomme a re, “Lehono le le phethagaditšwe.”

⁵³ Ge A be a eya go rera ngwaga wa megobo, bjale, gobaneng A se a bala ka moka ga Lona? Ka gore Le amana le go Tla ga Gagwe go gongwe. Ba be ba se na le tlhoko ya go tseba seo. Leo ke la lebaka le A tla tsenago ka lona.

Eupša lebaka le A bego a le ka go lona, ke ka baka leo A kgonnego go re, “Lengwalo le le phethagaditšwe lehono ka

mahlong a lena. Thwi mo le a Le bona. ‘Go rera sehla sa kamogelego, le go tlemelela ba dipelo tše di robegilego, le go fodiša balwetši.’’ Seo ke se A se tletšego.

Ka moka ga Lona e be—e be e le go tliša kahlolo go Bantle, le go ya pele, kafao seo se tla go latela. Le a bona, Montle o ile a swanela go Mo gana, pele.

⁵⁴ Bjale, mo papolong, moo re lego lehono ka thutong, ya, “Jesu diatleng tša gago.” Lentšu la Modimo le hlatsetšwe ka go tsenelela, le netefaditšwe gape le gape, gore O be a le karabo go Lentšu la Modimo. Moo gore bamangwalo . . .

⁵⁵ Le a bona, Modimo o šetše a na le Lona le beilwe ntle. A nke bodiredi bo ithute Lona. Eupša, le a bona, ba tsea lentšu la yo mongwe gape ka Lona; sehlopha tsoko sa banna. Ba foufetše kudu go Therešo, gore, ge Therešo e neelwa, ba šitwa ke go E bona. Eupša, le a bona, Modimo o lokile, O na le Lona le ngwadilwe ntle kua. O nalo le ngwadilwe, thwi mo ka Pukung, se se yago go direga lehono, kafao Le tla phethagatšwa. Eupša ba bangwe bao ba sego ba beelwa go Le bona, ba ka se tsoge ba Le bone, le a bona, ba—ba na le Lona lohle le hlakahlakane.

⁵⁶ Gomme yeo ke Tsela ye ba bilego le Yona nako yeo. Ga se nke ba tseba gore E be e le Yena. Gomme ka maswao gore O be a le Motseta wa nako yeo, ga go yo a bego a ka kgona go e gana. Moprefeta wa Gagwe o boletše ka yona; a re, “Nna, ke swanetše go kokobala, eupša O tla gola. Ga ke na maswanedi go tlemolla dieta tša Gagwe, eupša O eme magareng ga lena bjale,” go boletše Johane. “Gomme O tla tla. Gomme selepe se beilwe modung wa mohlare; gomme mehlare ye e sa tlišego kenywa e tla tlošwa go tšwa sethoggweng, seo, goba go tšwa go—go serapa sa morara, goba—goba serapa sa dikenywa. O ka se sa ba fao gape.”

⁵⁷ Bjale, re hwetša gore dilo tše di diregile feela tlwa ka tsela ye A boletšego. O kgonne go hlatha dikgopololo tša bona ka pelong ya bona. O be a le Moprefeta. Se sengwe le se sengwe seo A se boleletšegopele, se nno direga tlwa ka tsela ye A se boletšego.

“Ke ya godimo Jerusalema. Kua Ke tla gafelwa ka diatleng tša banna ba badiradibe. Gomme ba tla Mo swara gampe, gomme O tla bapolwa. Gomme ka letšatši la boraro O tla tsoga gape.” Eupša o rile, “Le bone gore ga le botše motho se.” Gomme O Le foufaditše go tloga go bona, gore ga se ba Le kwešiša go fihla Leo le phethagaditšwe.

⁵⁸ Le a bona, makga a mantši gore O re dira re be difofu go fihla iri ye re Le hlokago. O re dira gore re foufale go dilo tše re di bonago lehono, ka gore ye ke iri ye re Le hlokago, go hlatsela letšatši le re lego ka go lona. Le a bona? Botate wešo ga se ba ke ba tseba dilo tše. Beibele e boletše gore ba ka se di tsebe. O be a di utile, gomme ka go—ka go matšatši a mafelelo Le tla utollwa go barwa ba Modimo; goba, go dira, di tla bonagatšwa, go bontšhwa letago la Gagwe le ditumišo tša Gagwe godimo ga lefase.

⁵⁹ Gomme tšohle tše Daniele a di boletšego ka matšatšing a mafelelo, le ka fao gore, "Bao ba tsebago Modimo wa bona ba tla dira tše kgolo." Gomme feela Mangwalo a mantši bjalo a tlemagana mo letšatšing le leo re phelago ka go lona! Ka fao gore dinako tše mpe tše, tša go fora di tla ba lefaseng! Gomme feela tlwa se re nago le sona bjale go Le phethagatša.

Bona, ba be—ba be ba filwe sebaka go Mmona, gomme, eupša ba ganne yena Mesia wa bona.

Gomme lehono ke selo sa go swana, sona selo sa go swana. Re fiwa monyetla, gobane Modimo ga a kgone go ahlola ntle le pele go ba... go lokafatšwa bakeng sa kahlolo ya Gagwe.

Bjale, ge o boditše mo—mo motho tsoko a theoga mmileng, a otlela ka lebelo; o tla ba emiša, wa re, "Kua go mo—mo molete tseleng tlase kua. Ge o tšwelapele ka lebelo leo, o tla bolawa."

⁶⁰ Gomme ba re, "Ditšiebadimo, ke tseba se ke se dirago." Gona, le a bona, madi ga a kgone go ba godimo ga gago, gobane o ba seboditše ka go tsenelela.

Gabotse, Modimo o dira selo sa go swana ka Lentšu la Gagwe. O sebotša batho ka go tsenelela kahlolo ye e tlag, le go bontšha maswao a Gagwe le matete ao a akanyeditšwegopele ka Beibeleng bakeng sa lebaka leo. O a ba laetša, gomme batho ba no sepelela thwi godimo ga Lona.

Ga go bonolo go motho go ya heleng. Monna o lwela tsela ya gagwe go ya heleng. Maaka a mathomo o kilego wa a bolela, o a tseba e be e le phošo. Sekerete sa mathomo o kilego wa se kgoga, o tsebile e bile phošo. Bobe bja mathomo o bo dirilego, o tsebile bo be bo le phošo. Eupša ka letsvalong la gago, go go boditše e be e le phošo, eupša kgafetšakgafetša o kitima go kgabola lebone le lehubedu, wa kitima godimo ga mapheko. Ga o hlokomele. O nyaka go e dira, go le bjalo, go laetša gore o moisa yo mongwe yo mogolo. Le a bona? Eupša, elelwa, o lwela tsela ya gago go ya heleng. Ga go bonolo go ya heleng. O swanetše go gana Therešo.

⁶¹ Pele o ka thula, o swanetše go tshela lebone le lehubedu. Pele o ka ba le go thula, o swanetše go, tlase kua ka tseleng, o na le di—di ditshebotšo tše di beilwego godimo. Eupša, wena, o na le tsela ya gago mong ka yona, motho o nayo lehono. Gomme o tseba kudu go feta e ka ba mang gape, gomme a ka se theetše ma—ma maswao le ditshebotšo tša Kahlolo ye e tlag, le bao ba ganago Kriste.

⁶² Bjale hlokamelang, le se ba se amogetšego bakeng sa Kriste yo. Bjale naganang ka kereke ya letšatši leo, bofofu bja bona. Ba ganne mmolai wa phatlalatša, Baraba. Monna yo a netefaditšwego go ba mmolai, gomme ka kgonthišitšwe go—go ba mmolai, gomme e be e le monna yo mobe. Gomme feela ka baka la gore—gore Bophelo bja Jesu...

Moo, Yena, O ba hlohlile. O rile, “Ke mang wa lena a ka Mpeago molato wa sebe?” *Sebe* ke “gosedumele.” “Ge Ke sa dire mediro ya Tate wa Ka, gona se Ntumeleng; ge Ke se ka le botša Therešo ya Lengwalo. Gomme Lengwalo le boleletše Nna, ka Bolona. Phetlang Mangwalo,” O rile, “ka gore ka go Ona le nagana gore le na le Bophelo bjo Bosafelego, gomme Ke Ona a pakago ka Nna ka go lebaka le.”

⁶³ Eupša ba rile, “O itira Modimo ka Boyena. O itira selo se sengwe ka Boyena.” Yena ga se a dira selo . . . Modimo o Mo dirile Modimo; O be a le Modimo. O be a le phethagatšo ya Lengwalo. Ga se nke A ke a itira e ka ba eng Yenamong. Modimo o Mo dirile se A bilego. Gomme, ka gona, ke ka baka la gore e be e le iri ya Lentšu leo go phethagatšwa. Kafao, eupša ga se ba kgona go Le bona, gobane Le be le le kgahlanong le dikgopolo tša bona tša kerekeleina, se ba bego ba se agile ka ga Kriste. Gomme e be e foufaditšwe kudu go Lentšu.

⁶⁴ Bjale, gomme ntle le seo, go fediša Moisa yo, ba ile ba swanelwa ke go amogela mmolai, motho wa kotsi wa phatlalatša, gape. E be e le morwalo go setšhaba, morwalo go bona; mmolai! Ba ile ba swanela go amogela yoo, gobane, go—go gana Kriste.

Gomme pele ga ge monna goba mosadi e ka ba ofe a ka amogela phošo, ba swanetše go gana nnete. Go na le se sengwe ka tlhago, e na le molao go yona, gore o swanetše go gana selo sa maleba pele o ka amogela selo sa phošo.

Bjalo ka ge ke sa tšwa go tsopola, go—go boloka go bolela maaka . . . O—o boletše maaka kgahlanong le kahlolo ye kaonana ya gago. O boletše maaka kgahlanong le letsalo la gago. O boletše maaka kgahlanong le se mmago goba batswadi ba go rutilego go se dira. Goba, le tlhago ka boyona e ruta gore ga wa swanela go se dira. Kafao, kagona, wena, go gana Therešo, o swanetše go amogela ma—ma—maaka, gomme o swanetše go gana Therešo pele o ka amogela maaka. Le a bona?

⁶⁵ Kafao ke ka tsela yeo baisa ba ba dirilego, ba ganne Therešo. Gomme O be a le Therešo. “Ke nna Tsela, Therešo, le Bophelo.”

“Mathomong go be go le Lentšu, gomme Lentšu le be le le go Modimo, gomme Lentšu e be e le Modimo. Gomme Lentšu la dirwa nama le go bonagatšwa pele ga rena.” Ka go Timotheo wa Pele 3:16, “Ntle le ngangisano, sephiri sa bomodimo ke se segolo, ka gore Modimo o bonagaditšwe nameng, a swarwa ka diatla tša rena.” Modimo, Jehofa! Go—go a gakgamatša, go a tlaba, go nagana gore Modimo Yo a beilego tshe—tshe—tshe tshepedišo ya letšatši ka lefaufaung, yo a beilego dinaledi tše di lego bogolo makga a sekete go feta lefase le . . .

⁶⁶ Gomme ge ye tee ya dinaledi tše e ka thoma go ya lefaseng, ka dimaele tše dikete tše lesome ka iri, gobaneng, e tla tše mengwaga ye milione tše lekgolo go fihla fa; e bokgole kudu. Gomme dinaledi tše pedi tše nnyane di dutše, di lebega boka

intšhi go arogana, go tloga mo, di arogane bokgole kudu go feta ka mo re lego go tšwa go tšona. Gomme, go efela, ga go le e tee ya tšona eupša ye e swerego lefelo la yona. Gomme sekgobotho sa lefaufau se segolo sela, oo, nna, botona le bogologolo bja Modimo Yo a kgonnego go dira dilo tše! Ye nngwe le ye nngwe e swanetše go swara ye nngwe. Ke ka lebaka leo e dulago ka tsela ye e lego. Ge di tšwetše ka ntle ga tlhokomelo, tshepedišo yohle e tla wa.

⁶⁷ Seo ke se se diregilego ka Edene. Ge Efa a tšwetše ntle ga tlhokomelo le melao ya Modimo, morafe ka moka o wele.

Bjoo ke bjo e lego bothata lehono. Ga ra swanela go thubja ka mekgatlong le dikerekemaina, le go ya pele. Re swanetše go ba barwa le barwedi ba Modimo, re swere lefase le legolo la sekgobotho sa lefaufau mmogo.

⁶⁸ New York, beke ya go feta, ke be ke theeditše molaetša o tsopotšwe, goba o boletšwe ke Einstein, rasaense yo mogolo, se—se se bitšwago bjoko bja na—bja nako. Gomme ke be... kwele seo. Ka gona ke ile go kwa Norman Vincent Peale, ka saekolotši ya gagwe ka fao batho ba swanetšego go dira, goba go sepela, le go itšweletša ka bobona ka go saekolotši.

Ka gona, ka Einstein, o be a bolela ka tša kgoboko ya tša lefaufau tše di bego di le ntle gare ga tshepedišo kua, ntle go tšwa go dinaledi. Gomme ge motho a ka kgonia go sepela ka lebelo, ke a dumela o rile, la seetša,... Bjale, ke a nagana, ke eng seo,... dikete tše masomeseswai tshela? [Ngwanešu Neville o re, "Lekgolo le masomeseswai tshela."—Mor.] Lekgolo, lekgolo le masomeseswai tshela a dimaele ka motsotswana, seetša sela se a sepela. Gomme bjale ripaganya yeo fase mo metsotsong ye mehlano, ke dimilione tše kae le dibilione tša dimaele o tla bago. Gomme e tla go tsea mengwaga ye milione tše—tše lekgolo le masome pedi go fihla go kgoboko yela ya lefaufau. Gomme ka gona lekgolo le masomepedi, goba mengwaga ye milione tše lekgolo masometlhano; lekgolo le masometlhano a dimilione godimo, le milione tše lekgolo le masometlhano morago.

⁶⁹ Gomme ba betha se sengwe seo se ba rathilego. Gomme bona, morago ga go ya ntle fale le go bowa morago, ka nnete o tla go tsea mengwaga ye milione tše tharo go dira leeto, mengwaga ye milione tše makgolotharo. Mengwaga ye milione tše makgolotharo go dira leeto, gomme, ge o etla morago lefaseng, gabotse o be o ile feela mengwaga ye masometlhano. O phuleletša ka go Bokagosafelego. Ga go na magomo go Bjona.

⁷⁰ Gomme go nagana, gore, Modimo Yo a dirilego tšohle tša tše le go di bea ka lenaneo, le go bolela ka yona, a tla fase gomme a dirwa nama magareng ga rena, go re lopolla. Gomme a re hlompha kudu ka Bogona bja Gagwe bja go hlomphega, gore O—O tla ema mo lefaseng le la sebe ka matšatšing a mafelelo, le go netefatša Lentšu la Gagwe go ba bjalo, gobane O tlemeba

go Lentšu lela. Amene. Boikemo le tok a ya Yo mogolo yola Yo a swerego dilo tšela ka seatleng sa Gagwe!

⁷¹ Hlokamelang, ditšhaba. Ke—ke kereke e swanetše go gana Lentšu la Gagwe, pele. Ka gona, morago ga ge kereke e Le ganne, gomme e Mmiditše “Beletsebubu, goba moyo wo mobe,” gona Le tlišitšwe pele ga mmušo, gore moloko ka moka o swanetše go ahlolwa. Bjale re hwetša Jesu, mosong wo, pele ga mmu—mmu mmušiši, Pilato, Moroma, go sekišwa. Gomme re hwetša gore kereke e Mo ganne, pele, ka gobane ga se ba dumela Molaetša wa Gagwe, ka gobane ba be ba sa tsebe Lentšu.

⁷² Jesu o ba boditše, “Ge nkabe le ile—nkabe le kwele Moshe, nkabe le dumela Lentšu la Ka, ka gobane ke yena yoo a boletšego ka Nna.” Le a bona? Go na le Lentšu le mopropfeta . . . Leo, momo Morena a tlago go mopropfeta, gomme mopropfeta o boletše Lentšu la iri ye e tlago. Gomme mo Le tsebagaditšwe, gomme o rile, “Le re le tseba Moshe gomme yena ke mohlahli wa lena. Ga le tsebe Moshe, goba ga le tsebe Lentšu la gagwe.” Ka mantšu a mangwe, O rile, “Ke nna Lentšu. Ke nna Lentšu le le tsebagaditšwego leo Moshe a boletšego le tla tla, gomme le a Nkahlolola.” Le a bona? Bakeng sa metlwae ya bona, le a bona, kereke e Mo ahlotše.

⁷³ Bjale, re a Mo hwetša bjale pele ga Pilato, le go netefatšwa go tsenelela, gape, a tsebišwa go nako, goba kereke, ke motseta wa nako. Ba be ba filwe sebaka go bona le go dumela, eupša ba Le ganne. Gobaneng ba Le ganne? Bontši bja bona ba nyakile go dumela Leo; eupša ditso tša bona, e sego batho, eupša ditso tša bona!

⁷⁴ Bjale, le a bona, go swana le ge Nikodemo a tlie bošego, gomme o rile, “Mong, re a tseba gore O Morutiši yo a tšwago go Modimo. Re a tseba gore O tšwa go Modimo. Ga go motho a ka kgonago go dira dilo tše tseo O di dirago ntle le ge Modimo a na le Yena. Rena . . .” Ke mang “rena” a boleLAGO ka bona? Kereke, Bafarisei, baetapele ba letšatši leo. “Re a tseba. Re kgodišegile ka go tsenelela gore O Motho yoo.” Gobaneng gona ba be ba ka se kgone go e dira? Ka baka la, tshepedišo ya bona. Ke nyaka seo go nwelela botebong ka kgonthe, gobane seo ke se ke yago go sona. Le a bona? Tshepedišo yeo ba bego ba šetše ba e tšoenne bonabeng, e bile yona ba bego ba sa kgone go e šuthiša. Le ge ba bone gore Yola o be a le Mesia, eupša tshepedišo ye ba bego ba kgomagana le yona e be e sa ba dumelele go Le amogela.

A le—le a kwešiša? Bjale ke nyaka go botšiša, go tšwa go batheeletši ba ba bonalago, ke ba bakae ba kwešišago se ke boleLAGO ka sona? Phagamišang diatl a tša lena. Go lokile.

⁷⁵ Bjale, tshepedišo! Ba be ba Le dumela, gomme ba tsebile gore Le be le le. Ke rata bjang go boleLAGO selo sela sa go swana lehono! Re bona se se swanetšego go ba mo lehono, gomme re a Le bona,

eupša tshepedišo e ka se ba dumelele go Le amogela. Ba kitetšwe kudu ka tshepedišo! Le a bona, ga se motho, ke tshepedišo.

Feele bjalo ka ge ke boletše ka Mopresitente yoo a sa tšwago go bolawa. E sego monna; bokgole bjo ke tsebago, ke monna wa go loka, ga se a tsoge a dira e ka ba eng ye mpe bjalo ka ge ke tseba. Eupša ke tshepedišo. Ga se batho; ke tshepedišo.

⁷⁶ E be e se Bajuda; e be e le tshepedišo ya bona. Tshepedišo yela e Mo ahlotše, ka gobane ga se Le kgotlelele le tshepedišo ya bona. A le a kwešiša? Bjale, dilo tša go swana di a direga bjale. Gomme ba kgathile lenaba le la phatlalatša, mmolai.

Eupša taba bjale e ama mmušo. Kafao mmušo o swanetše go tsebiša kahlolo ye, gobane, go tsea bophelo, go swanetše go tla pele ga mmušo. Ba be ba sa dumelwelwe go dira seo, gobane ba be ba le ka tlase ga bo—bo bobuši bja Roma, gomme ga se ba kgone go tsea bophelo go sa kgathale kereke ya bona e boletše bontši gakaakang, “Re swanetše go e dira.” Gobaneng, ba—ba be ba sa kgone go e dira ntle le, pele, Roma e ba fa tiišetšo ya yona. Kafao, e swanetše go tlišwa pele ga mmušo. Bjale mmušo o amega ka go selo.

Bjale, ge seo e se seswantšho sa lehono, ga ke bone eng. Le a bona, feela tlwa!

⁷⁷ Kereke e a Le gana, bjale ke mmušo wo o amegago. Nako e tlie moo setšhaba, sa bohle, ka moka, se bego se swanetše go tla. Taba e dirilwe. Makgaolakgang a be a batametše. Setšhaba ka moka se be se Mo ganne, le go tliša fase kgalefo ya Modimo godimo ga bona. Gomme pele . . . Ebile le kereke e be e Mo ganne, se se be se tla tlišago bogale godimo ga kereke. Eupša bjale setšhaba se Mo ganne, go tliša bogale godimo ga bohle.

Gomme, lehono, lefase le Mo ganne, go tliša kahlolo go lefase ka moka. Ditšhaba tšohle di swanetše go ahlolwa.

⁷⁸ Gomme re a tseba gore seo se diregile ka nako ya mogeneral yo mogolo wa Roma, Titose. O rakeletše Jerusalema, gomme ka gona mafelelong ba nno . . . Ba jelane bana seng sa bona; ba ja sekgamathi go tšwa mohlareng, le bjang go tloga mobung. Gomme—gomme nako yeo Titose o otletše thwi ka gare le go no kgeretlanya maboto le go tšuma toropokgolo, gomme madi a kitima go theoga—go theoga mekgotha ka mokgwa woo, moo a ba bolailego ka kua.

Gomme e ile ya swanelia. Pele Modimo wa go loka a ka dumelela batho, bao A ba kgathilego, go tla ka tlase ga selo se sebjalo ka seo, fao—fao go swanetše go ba lebaka la maleba. Ke Yena wa toko. Melao ya Gagwe—ya Gagwe e nyaka toka ya Gagwe. Gomme molao ntle le kotlo ga se molao.

⁷⁹ Ge nka re, ke dirile molao fa ka toropongkgolo, “Ke—ke—ke kotlo go tshela lebone le lehubedu,” gomme ka gona ga go kotlo

go yona, o tla no tšwelapele o tshela mabone a mahubedu. Eupša fao go swanetše go ba kotlo.

Gomme kotlo ya molao wa Modimo, go gana lenaneo la Gagwe, ke lehu. Gomme fao go ile gwa swanelala go ba lehu, kafao e ile ya swanelwa ke go patelwa.

⁸⁰ Re ema ka go tsheko ya go swana mosong wo, lefase gohle, tsheko. Dikerekemaina tšohle di ganne Lentšu. Ke a tseba se se kwagala bogale kudu. Gomme ke nyaka badiredi ba ba theeditšego, mo ba lego gona le bao godimo ga theipi, gape, go leka go kwešiša se bjale, gore ke leka go e bea pepeneneng. Eupša ke swere ntlha ya ka, goba go dira ntlha ya ka fa, le go bolela gore re eme, lehono, ka go holo ye nngwe ya kahlolo ya Pilato.

⁸¹ O re, “Ge nkabe ke eme fale, nkabe ke boletše ntle bakeng sa Jesu Kriste.” Gomme, gabotse, o dira eng ka yona bjale? Seo ke selo. Le a bona? “Ga go kgathale kereke e Mo ganne gakaakang, nkabe ke eme hleng le lehlakore la Gagwe.” O na le sebakabotse. Uh-huh. Le a bona? Ba, ba Mo ganne.

⁸² Bjale O lekilwe, lehono, goba go no lekwa, goba, le ka tshekong, bakeng sa go bopša ga tshepedišo ya lefase, ya seo se bitšwago, khansele ya dikereke, go—go—go bopa ka go—ka go Khansele ya kereke ya Lefase. Bjale, gomme ba dirile eng? Ba boutetše gore ka go felela ba tla ikopanya ka bobona mmogo le go ba le khansele ya dikereke.

Gomme ka go Khansele ye ya Dikereke, gore dikereke tšohle di swanetše go ba tša khansele ye, goba, ge ba sa dire, ebole ga ba dumelwelwe go rera, ebole ga o dumelwelwe go ba le thapelo bakeng sa balwetši. Gomme kereke ya gago e ka kgona go šomišetšwa eng kapa eng ba nyakago go e šomišetša. Ge ba nyaka go boloka mapokisi ka go yona, goba dibetša, goba e ka ba eng ba nyakago go e dira, ga o na taolo ya yona le gatee. E ba gore o wa Khansele ya Dikereke goba ga se wena le gatee.

Gomme yeo ke tshepedišo ye e dirwago mo ka go United States, ye e phethagatšago Lengwalo, go fihla mothalong. E phethagatša se Morena a boletšego le nna ka 1933, le a bona, gomme re eme ka go nako yeo mosong wo.

Gomme Jesu Kriste, Lentšu, o mo tshekong, lehono, bjalo ka ge go bile mo papolong, gomme bjale O diatleng tša rena. O ka diatleng tša lefase. Lentšu le tsebagaditšwe ka go hlaka, go dikologa lefase, le a bona, gomme O ema ka tshekong. Dikerekemaina tšohle di Mo ganne. Gomme bjale O sekiswa bjalo ka . . . ka go Khansele ya Dikereke, gomme ba Mo gana gape le go kgetha bokaone bjalo ka ge ba dirile nako yela.

⁸³ Le a bona, tlhago ka go histori e ipušeletša yonamong, gobane tlhago e tšwelapele go swana. Mehlare e sa tšwelapele go mela, gomme merogo ya tla godimo, le matšoba, gomme lefase le retologa feela ka mo le lego ka mehla. Ke tlhago. Gomme tlhago ya lebaka le lengwe le le lengwe e a tšweletša, gape, le

go tšweletšagape po—po ponagatšo ya se tlha—tlha—tlhago e bego e le sona pele ga ona. Gomme, lehono, re ikhwetša renabeng gape re eme ka go lefelo la go swana.

Bjale, Jesu o be a le “Lentšu,” Mokgethwa Johane, tema ya 1. Bohle re dumela Leo. O be a le Lentšu. Gomme ka gobane O be a le Lentšu... Hle kwešišang. O be a le Lentšu, gomme O ile a swanela go ba kgahlanong le tshepedišo.

Gomme ga se ba—ga se ba Mo gana ka lebaka la mehlolo ya Gagwe. Ga se ba ke. Ba rile... O rile, “Ke mang a ka Mpeago molato?”

“Gomme ke bobe bofe A bo dirilego?” go boletše mohumagadi yo monnyane. “Ke bobe bofe A bo dirilego eupša go fodiša balwetši?”

⁸⁴ Ba rile, “Ga re Mo ahlola bakeng sa dilo tše.” Le a bona? “Re a Mo ahlola ka gobane Yena, go beng motho, o itira Modimo Yenamong.” Gomme Mangwalo a bona beng a boletše gore O tla ba Modimo.

Ka go Jesaya, moprofeta yo mogolo yo a ngwadilego Dipuku tše masometshela tshela tša Jesaya, le go thoma ka... Mathomong, boka mathomong; gomme mo bogareng bja Puku go tla Johane Mokolobetši; gomme o fetša godimo ka go pušo ya Mileniamo. Gomme Dipuku tše masometshela tshela ka Beibeleng, boka go ne ditema tše masometshela tshela ka go Jesaya. Go a kgahlisa e wela ka tsela yeo. Jesaya ye 9:6, o rile, “Re tswaletšwe Ngwana, re neilwe Morwa; gomme Leina la Gagwe le tla bitšwa, ‘Moeletši, Mokgoma wa Khutšo, Modimo yo Maatla, Tate wa gosafelego, Semaka.’”

⁸⁵ Gomme ditšo tša difofu, goba ditshepedišo, ga se di ke di kgona go bona gore Yoo e be e le Modimo; ka moprofeta wa bona beng, yoo Lentšu le tliego go yena, yoo a boletšego gore O tla ba Modimo. Ditshepedišo tša difofu! Kafao ba ganne Lentšu, gomme ba kganyoga mmolai sebakeng, Baraba.

⁸⁶ Gomme, lehono, Lentšu, ka go hlaka bakeng sa letšatši le, le hlatsetšwe. Le dirilwe nnete. Le laeditšwe go ba Therešo. “Gomme ka matšatšing a mafelelo,” bjalo ka ge Jesu a rile, “bjalo ka ge go bile ka matšatšing a Sodoma,” le go ya pele, “go tla ba bjalo ka go tleng ga Morwa wa motho.” Yena Modimo, ka Boyena, Yo a bego a le Lentšu, o boleletšepele nako ya bofelo le se se tla diregago; gomme Dietša di tla hlaba ka nako ya mantšiboa; le ka fao gore, Maleaki 4, O tla romela pele dilo tše le go di netefatša.

⁸⁷ Gomme e tlišitšwe go lefelo la sephetho, gomme dikereke di Le ganne. Gomme dikereke di kganyogile eng? Mmolai wa Lentšu, yo motee yo a tšeago tshepedišo. Ge tshepedišo e le kgahlanong le Lentšu, gona ke mmolai go Lentšu. Gomme ba hlobogetše motlwae wa kerekeleina, sebakeng sa Lentšu la therešo le bonagatšwa le go netefatša gore Ke Modimo magareng

ga batho; ka saense, ka diswantšho, Seetša, Morongwa yo a swanago wa Morena, Pilara ya Mollo.

Yena wa go swana yoo a phetšego mo lefaseng ka go—ka go mmele wa Jesu Kriste, o tlile godimo ga batho ba Gagwe mo matšatšing a mafelelo, moo saense e tšerego seswantšho sa Yona. Kereke e bone mediro ya Yona. E tsebagaditšwe ka go tsenelela, ke ditheipi le se sengwe le se sengwe, go dikologa le go dikologa lefase, gomme ka sebele ya direlwa.

Gomme go le bjalo, ka go tšeо tšohle, ditshepedišo tša bona di kganyoga Khansele ya Dikereke go ahlola Therešo. Ke kganyoga mmolai yo a ka tswalelago, goba go emiša, goba a tswalela. Gomme, e tla e dira, ba tla emiša Selo se sebjalo. Gomme Khansele ya Dikereke e tla swanelwa ke go e dira. Go na le leswao la sebata; molwalekriste, kgahlanong le Lentšu, e lego Kriste. Eupša e sego tša bona tše dits- . . .

⁸⁸ Ba nagana ke motlwae. Ba nagana gore metlwae ya bona ke ya Modimo. Le a bona? Eupša e ka se eme le Lentšu, gomme ešita le Modimo ga a e hlatsele go ba nnete. Jesu o eme le Lentšu, eupša e sego le khansele ya bona; eupša le Lentšu. Gomme Lentšu le netefaditše gore O be a le Modimo.

Gomme Le a netefatša lehono gore Ke Modimo, gobane Le phela Bophelo bja go swana, Le dira selo sa go swana magareng ga rena seo Le se dirilego morago fale, le go akanyetšwapele.

⁸⁹ Kafao ba dira eng? Ba amogela se sengwe seo... Ba amogetše, ba šetše, yona tshepedišo yeo e tla bapolago Leo. Gomme papolo ya kerekleinamohlakanelwa ya go lokologa e kgauswi. Yeo ke nnete.

⁹⁰ Bjale, seo ga se ganetše Mangwalo. Ke ka Mangwalo. “Gomme ba bopile seswantšho sa sebata.” Go kopanya dikerekemaina tša lefase ka go Protestant e tee, go dira leswao la sebata, seswantšho sa sebata, go ya ka Kutollo 13:8. “Gomme ba diretše sebata seswantšho.”

Sebata ke “Roma.” Bohle re tseba seo. Eupša ka mehla e bile Roma, yohle... E ka kgona bjang go ba—e ka kgona bjang go ba Russia, ge Beibele e re Roma? Le a bona, batho ba no hwetša kgopoloy a phošo. Le a bona? E ka kgona bjang go ba selo se sengwe, mola e akanyeditšwepele gore e swanetše e tšwe ka Roma?

⁹¹ Eya morago go Daniele gape, tshipi le letsopa maotong; tshipi ga se ya ke ya goma, go tloga matolong go theogela bofelong. Gomme mang kapa mang o a tseba gore Russia ebile e be e sa tsebje nako yeo. E be e le Roma. Terakoni ye khubedu e be e le Roma. Ka mehla ke Roma. Gomme tshipi yeo ga se ya ke ya fetoga selo se sengwe gape, go tloga Roma go ya go se sengwe gape; e dutše e le Roma. Gomme sebata ke Roma!

⁹² Gomme Roma e bile le tshepedišo ya bodumedi ye hlogo ya yona ya go hwa...goba ntho ya go iša lehung e mmolaile ka hlogong ya gagwe, eupša o ile a tsošološwa gape, go tloga go Roma ya bohetene go ya go Roma ya bomopapa. Gomme bjale ba swanetše go e direla seswantšho, go tšwa go sebata seo se tlogo godimo go tšwa go Kutollo 13.

A le kile la hlokomba? Setšhaba se se badilwe go lesometharo, gomme se tšwelela...ga ke re se ke...Go—go a makatša, go le bjalo, gore e tla diraga sedipalontshetshere, dip... feela tlwa go sepelelana le Lengwalo. Se hwetšwa ka go tema ya 13 ya Kutollo, setšhaba se.

⁹³ Dibata tše dingwe tšohle di tla godimo go tšwa ka meetseng, e lego bokoto le mašabašaba a batho, Beibele e boletše; eupša sebata se sennyane se se tlide godimo go tšwa lefaseng, moo go bego go se batho. Efela, o be a le kwana, tokologo ya bodumedi; morago o boletše boka terakoni, le go ikopanya ka boyena ka maatla le go dira tšohle tše terakoni e di dirilego pele ga gagwe. Tlwa. Kafao ke lena bao. E—e swanetše go no ba ka tsela yeo. Ga go tsela ye nngwe ya go ya go e dikologa.

⁹⁴ Gomme ke rena ba, lehono, re dira tshepedišo. Tshepedišo! Re ka se kgone go leta go fihla tše dingwe... Re lekile go dira yo mongwe le yo mongwe go ba mo—mo Molutheran; gomme ga se ra kgona go e dira. Go leka go ba dira bohole go ba Mobaptist; ga se re kgone go e dira. Bohle go ba Methodist, goba bohole Pentecostal; ga se ba kgone go e dira. Kafao, go re ba dire se, nako ke ye kopana kudu, ba bopile khansele, hlogo, seswantšho sa sebata. Seo ke tlwa se ba se dirilego. Gomme ke eng? Papolo ya Lentšu, gape, e batametše. Le tshekong gomme ka pela le tla tla lebatong.

⁹⁵ Hlokamelang, Lentšu le le bonagaditšwego, go tšwa go kerekkeleina. E a bonagatša. Le—le Lentšu le fapano go tšwa go kerekkeleina.

Ke eng se, tshepedišo ye ke eng? Ke satelaete ya Roma. A Beibele e rile e tla ba seo? Ee, mohlomphegi! Kutollo 17, ba bone Roma e phagamela godimo ka boyona ka tshepedišong ya bokereke, bja mosadi. Mosadi, kereke ka mehla e emetšwe ke mosadi.

Ka baka la gore, Monyalwa wa Kriste ke mosadi. Efa e bile yena yo a welego; ke Yena yo a swanetše go lopollwa. Gomme Kereke (ke eng?) ke mosadi yo a lopolotšwego.

⁹⁶ Gomme mosadi yo o dutše godimo ga sebata ka dihlogo tše šupago. Gomme re tseba ka dithaba tše šupago, le go ya pele, bjalo ka ge Beibele e boletše gore e tla ba. Ga go phošo. Ga go na sebaka sa phošo. Le a bona?

Gomme hlokamelang gona, re a hwetša, gore o be a le “MMAGO BOMMALEGOGWANA.” Le a bona? Gomme mme le morwedi ba kopana mmogo gape ka segwera. Moo, gatee,

morwedi o tšhabile go tloga go mme, go leka go phela gabotse, gobane mme wa gagwe o be a le fasefase le go kgamathela go fihla masettsana a tlogetše legae. Uh-huh. Eupša bjale, ge e sa le a thoma go ba bogolo bjo bonnyane, yena, le go dira dilo tše dintši tše mpe kudu, yenamong; o bona mmagwe, o nagana mmagwe o be a rereša, kafao o bopa tshepedišo ya gagwe mong. Le a bona? Tlwa.

⁹⁷ Go kopanya bokerekeleina, Boprotestant, go phethagatša tlwa se Lengwalo le se boletše ka Kutollo 17. “Bohle, bao maina a bona a sego a ngwalwa ka go Puku ya Kwana ya Bophelo, e be e le ba gagwe.” Se setee goba se sengwe, e ba sebata goba seswantšho sa sebata. Beibele e boletše bjalo.

Gomme Jesu o boletše ka se, e sego bjalo ka bokomonisi. Eupša ka go Mateo tema ya 24, go thoma ka ya 21 go fihla go temana ya 26, O akanyeditšepele gore moyo ka go tshepedišo ye o tla swana kudu le selo sa kgonthe go fihla o tla fora le bona Bakgethiwa ge go be go kgonega; Bakgethiwa, bao Maina a bona a beilwego go Puku ya Kwana ya Bophelo pele ga motheo wa lefase. Gomme, gabotse, e ba dirile go tlemagana kudu, go fihla A rile ge A se a ripa mošomo boripana, bakeng sa bona, go ka se be le nama ye e phološwago godimo ga lefase. Gomme re na le feela . . .

⁹⁸ Ye ke—ye ke '64, a ga se yona? Gomme ke nagana ba tleleima e ka ba mengwaga ye lesomešupa e tlogile go seo, kafao, go ya ka tšupamabaka. Gomme re ne '64, 1964, ye e tla dirago (ke eng yeo?) mengwaga ye masometharo tshela e šetše, goya go ngwagakgolo wa masomepedi.

Gomme mengwaga ye mengwe le ye mengwe ye dikete tše pedi, lefase le tlie bofelong bja tshepedišo ya lona ya lefase, tshepedišo ya bodumedi, go fihla bofelong bja ditshepedišo tšohle, gomme Modimo o ile a swanela go tsena ka gare. O dirile mo matšatšing a Noage; mengwaga ye dikete tše pedi ya mathomo. Mengwaga ye dikete tše pedi ya bobedi; tshepedišo e tla morago moo sehlogo sa rena se bitšago, mosong wo, gomme O rometše gape Lentšu la Gagwe. O rometše Lentšu la Gagwe ka moperfeta, nako ya Noage, moperfeta Noage; gomme batho ba Le ganne, bakeng sa tshepedišo ya bona. O rometše Lentšu la Gagwe gape ka nakong ya Jesu, Lentšu le bonagaditšwe ka botlalo; batho ba Le ganne. Gomme bjale ke 1964, go tlogeleng mengwaga ye masometharo tshela go fihla ebile mengwaga ye dikete tše pedi gape; gomme Lentšu le tlišitšwe pele, gomme tshepedišo e Le ganne.

⁹⁹ Re bokgauswi bjang? Go ka no ba thari go feta re nagana, le a bona, gore nako efe kapa efe e ka direga. Mohlomongwe e šetše e diregile, go tšohle re di tsebago, bjalo ka ge ke boletše Lamorena la go feta go beng fa. Leina la mafelelo le ka no ba le bile godimo ga Puku yela; ge e le, ga go sa le go tla ka gare. Lefase le tla

sepelela pele feela bjalo ka ge le bile, eupša Kereke e tswaletšwe. Hłokomelang bjale ge re eya pele fa. Maina a bona, bjale, a ka se fore bale ba maina a bona a ngwadilwego.

¹⁰⁰ Ke eng? E swanetše go ba tshepedišo. Le a bona? Gomme e no nagana, go ba wa kerekela yela ka tshepedišong yeo, o dira eng gona? O dirile kae? O tswaleletšwe, le a bona, go tšwa go Lentšu, go ya go tshepedišo ya polao ye e tšeago, “Ka go ba le sebopego sa bomodimo, eupša ba gana Maatla a bjona.” Ke leswao la sebata. Tlwa. Le a bona?

¹⁰¹ Ke sebata godimo kua, se a se dirilego; gomme seswantšho sese, selo sa go swana. Gomme sebata e be e le se segolo kudu, seo se bopilego kerekela yela ya lefasepharephare ka Nicaea, le a bona, gore ba dirile lefase lohle—lohle go tla go yeo, go tshepedišo e tee yeo. Gomme ba naganne e be e le ye kgolo kudu, “Ga go yo a bego a kgona go dira ntwa le bona,” go boletše Beibele, go fihla ba dirile seswantšho sa sebata, gomme ba tlišitše Maprotestant ohle ka go Khansele ya Dikerekere; ye e bopilego tshepedišo, gore ebile o be o sa naganne ka ga Mokriste goba e ka ba eng gape ntle le ge o le wa tshepedišo yela.

¹⁰² Fao go phapano gare ga leswao la sebata le go Swaya ga Modimo. Modimo o swaya ka Lentšu la Gagwe. A le dumela gore Lentšu ke lona?

Bjale o re, “A yeo ke nnete, Ngwanešu Branham?” Ee, mohlomphegi.

¹⁰³ Bjale, ke a tseba lena Masabatha, goba Maseventh-day Adventist, le re, “Go boloka letšatši la Sabatha.” Eupša leo ga se lona. E sego go le selekiša, eupša seo ke go se be lengwalo ka go felela.

Baefeso 4:30, e re, “Le se ke la nyamiša Moya wo Mokgethwa wa Modimo, wo le swailwego ka ona go fihla letšatši la topollo ya lena.” Le a bona?

¹⁰⁴ Bjale, Moya wo Mokgethwa ke Lentšu. Modimo ga se yo moraro. Yena ke Modimo wa go swana ka mabakeng a mararo, diofisi tše tharo. Modimo, Tate, godimo ga molao; Modimo, Morwa, ka mogau; le Modimo, Moya wo Mokgethwa, bjalo ka ge le O bitša, Modimo wa go swana ka go lebaka la Moya wo Mokgethwa. Modimo, Tate, o be a le Lentšu; Modimo, Morwa, o be a le Lentšu; gomme Modimo, Moya wo Mokgethwa, ke Lentšu. Le a bona, e no ba diofisi tše tharo. Gomme go amo- . . . Gomme Moya wo Mokgethwa o a go tswalela, ka gona o tswalelelwa ke Lentšu.

Bjale o re, “Gabotse, ke tswaleletšwe ka . . .”

¹⁰⁵ Gabotse, gona, e a itsebiša yonamong. Le a bona? E a netefatša. O ka se kgone go ba wa tshepedišo, gomme wa tswalelelwa ka tshepedišo le Lentšu, le a bona, ka baka la gore

e kgahlanong, ye tee go ye nngwe. O ka se kgone go e dira. Go lokile.

Bjale re hwetša, gore, motšhene wo mogolo wa dikgerekere, dikgerekere tša motšhene wo mogolo, woo o tla . . .

Motšhene, o na le . . . sefatanaga, se na le dipistone, dibelef, le khabaritara, le go ya pele. Tšeо ke—tšeо ke dikgerekere.

¹⁰⁶ Ke rata go bolela se sengwe go Kereke thwi mo, e se tliša kelellong ya ka. Le a bona, seo ke se . . . ke a dumela re kgaušwi kudu go bofelo, ke—ke ya go bolela se sengwe bjale. Le a bona? Le a bona? Di—di dikgerekere, go na le batho ba bantši kudu ba lekago go hlaloša dikgerekere ge o sa e tsebe. Le a bona? Selo se nnoši o . . . Gomme, le a tseba, o swanetšego go se tseba. Dikgerekere di a tsebja. Bjale go ka reng ge Moshe . . .

Go ka reng ge yo mongwe a ka be a rile, “Noage, ke nyaka o hlaloše di—di dikgerekere tša ka fao areka e phaphamalago. Ka fao seo?” A ka se kgone go e dira.

Ga wa swanela go tseba dikgerekere; feela Maatlatshepedišo a Yona. Le a bona, Maatlatshepedišo ke se o nyakago go se tseba.

“Bjang?” Gabotse, ge yo mongwe a etla godimo go Israele, gomme o rile, “E re, Moshe, ke nyaka go kwešiša. O ka kgona bjang go hlola diphoofolo ka lentšu la gago mong?”

¹⁰⁷ O rile, o rile, “Ga se lentšu la ka. Ke Lentšu la Modimo. O mpoditše go e dira.” Le a bona?

¹⁰⁸ “Ke—ke—ke . . . A bolela, ntlhalošetše ka fao a dirile dintšhi go tla godimo ga lefase, ge go be go se le e ka ba efe, dintšhi tše ntši tšela lefaseng.” Le a bona? Moshe ga se a ke a kgona go e hlaloša, ka boyena. Ga la swanela go dira. “O tla dira bjang phefo ya bohlabela go tla le go foka lešoba go kgabaganya Lewatle le Lehubedu, gomme bohole re go latetše nageng ye e omilego. Hlaloša dikgerekere tša seo. Ke eng—ke eng—ke efe tshe—tshe—tshe tshepedišo yeo o e šomišitšego, Moshe? Eng? Mpotšeng diphatišišo tša saense tša athomo tše o di tlemollago.” Le a bona? Le a bona?

¹⁰⁹ O be a sa e tsebe. Yena, gabotse, o be a sa tsebe dikgerekere; o nno tseba maatlatshepedišo. Gomme—gomme yeo ke tsela.

Nka se kgone go le botša ka fao ke phelago. Nka se kgone go le botša ka fao le phelago, eupša le a phela. Nka se kgone go bolela ka fao pelo ya gago, le dijo tša gago di yago ka gare le go dira madi. Gomme go tšeа ma—ma maatla a dijo tšela, le—le go ya ka go leboto lela la boraro la moela wa lela le go di retollela morago go bophelo bja madi, le go a romela morago godimo ka wena. Ga—ga ke kgone go hlaloša seo, eupša e a se dira. Le a bona, e a se dira. Nka—nka se kgone go e hlaloša. Ga ke tsebe dikgerekere. Ke maatlatshepedišo.

¹¹⁰ Bjale, Moshe a ka no ba a tsebile dikgerekere, eupša e be e se lefelo la yo mongwe gape go e kwešiša eupša Moshe. Ba tsebile e šomile, gomme seo se a kgotsofatša. Gobaneng batho ba sa kgone go kgotsofatšwa ka tsela yeo lehono? Le a bona? Yo mongwe le yo mongwe o be a ka se kgone go ba Moshe. Fao go be go no ba Moshe yo motee. Ba nno tseba e be e le ya Modimo. Ba bone e be e le ya Modimo.

Gomme ba latetše le go dira bokaone go fihla ba thoma go e botšiša, ba nyakile go tsošetša yo mongwe godimo gape go dira selo sa go swana, Kora, Dathane. Gomme ge ba hweditše yo mongwe go tliša dikekijo tše dingwe tša senama ka gare, mafelelong Modimo o rile, “Ikaroganye ka bowena. O se ke wa tsena ka tshepedišong yela ya mokgatlo. Le a bona, tšwela ka ntle ga yona! Ke ya go e metša.” Gomme O butše lefase le go e metša. Le a bona?

¹¹¹ Ga o tsebe, ga wa swanelo go tseba dikgerekere. Nno tseba maatlatshepediso, selo se se e rethethago, seo se e dira therešo, gomme o bone ge eba e betha senepša seo Beibebe e tshepišitšego e tla se betha mo letšatšing le. Le a bona, ke Lentšu gape, morago go Lentšu.

¹¹² Bjale, motšhene wo mogolo o dutše godimo bjale, le go lokela go sepela. Dikgerekere di šetše di le fao. Ba šetše ba na le tshepedišo ya motšhene ya mokgatlo ye e yago go tliša, godimo ga lefase, “khutšo,” ba a bolela. Ba na le... boka U.N.

Ditšhaba di kopane mmogo. Ke nako ya go kopana. Ke sa tšo rera ka yona, kgauzwana. Ba... Ba kopana mmogo, go tliša eng? Khutšo ya lefase. Ba dirile seo ka go Lliki ya Ditšhaba. Ka mehla ba e dirile, gomme ga se nke ya šoma. E ka se šome. U.N. ga se selo eupša palune ya rekere ye kgolo yeo e rwelwego go dikologa ke phefo ya thuto ya setšhaba se sengwe le se sengwe. E tla thunya le go thuthupa go e ka ba eng. E ka se šome.

Ešita le Khansele ya Dikereke e ka se kgone go šoma. Ke mokgatlo ka motho, kgahlanong le tshepedišo... goba ka tshepedišo ya bona kgahlanong le Lentšu la Modimo, gomme e ka se šome. “Ba babedi ba ka sepela mmogo bjang ntle le ge ba kwane?” Le ka se kgone go e dira. Gomme kereke ya Bokriste e ka kgona bjang, e tla swanelo go...

¹¹³ Ma—ma Mapentecostal, Assemblies of God, le di—di dikereke tše dingwe tše kgolo tša—tša mmuso wa Pentecostal, le tša batho ba Full Gospel, ba ka kgona bjang go lahlegelwa ke dithuto tša bona tša boebangedi, tšona dikokwane tšebo ba emego godimo ga tšona? Gomme moo ba godišitšwego, go tšwela ka ntle ga mekgatlo yeo le go e ahlola; gomme ba swanetše go lahlegelwa ke thuto ya bona ya boebangedi, go sepela le banna bao ba sa dumelelanego godimo ga dikokwane tša Beibebe, le Phodišo ye Kgethwa, le Maatla a Modimo, le Jesu Kriste. “Ba babedi ba ka sepela mmogo bjang ntle le ge ba kwane?”

¹¹⁴ Ke lena bao, yeo ke iri ye re gorogilego go yona, gomme woo ke motšhene wo mogolo o beakantšwego. Bjale ba na le dikgerekere. Selo se nnoši ba swanetšego go ba le sona ke Sathane ka kua, le maatlatshepedišo, go gapeletša go swaya ga sebata. Ge a gapeleeditšwe fase, gona maatlatshepedišo a a šoma. Dikgerekere di fale. Ba šetše ba na le tšona.

¹¹⁵ A ke bolele se sengwe, le nna; nako ye ya go kopana, go bona dikereke di kopana, ditšhaba di kopana. Ke nako ya go kopana ya Modimo le Monyalwa wa Gagwe, gape. Gomme ke bolela se ka tlhomphokgolo le tlhompho. Ke a dumela gore Monyalwa wa Kriste o biditšwe. Ke a dumela O tswaleletswe ka Muušong wa Modimo. Ke a dumela dikgerekere di gona. Ba letile Maatlatshepedišo ao a tla Mo tšeago go tloga lefaseng, go ya ka Letagong, ka Thlatlogong. Ke e dumela ka pelo ya ka yohle. Ee, mohlomphegi. Ga re tsebe ka fao A yago go e dira, eupša O tla e dira.

Yena ke Maatlatshepedišo. Re no ba maloko a motšhene, a Mmele wa Gagwe, go ipopa renabeng go ya ka seswantšhong sa Gagwe, le go Mmona a ikopanya ka Boyena le rena, ka medirong ya Gagwe, ka dimpho tša Gagwe tša lerato, ge A di neela go rena feela pele ga Selalelo sa Monyanya. Gomme re letile, re šeditše seo.

Kereke ya bona ye kgolo e swanetše go kopanywa.

¹¹⁶ Maatlatshepedišo a Kereke ye e tla ba go tlatšagape ga Moya wo Mokgethwa gore re šomile ka go kelo ye nnyane ge Leswikahlogo le etla fase go kopana le Mmele. Eupša ge Hlogo yela le Mmele di kopana mmogo, maatla a go tlala a Moya wo Mokgethwa a tla Mo tsošetša godimo feela tlwa ka mokgwa woo; ebile le bahu, ba ba hwetšego go Kriste, lebaka la makgolo a mengwaga ya go feta, ba tla tsoga ka bobotse bja bokgethwa bja Gagwe, le go tšeа mofofo go ya mafaufaung. Maatlatshepedišo ke Moya wo Mokgethwa.

¹¹⁷ Gomme bjale maatlatshepedišo a mmušo wo mogolo wo ba nago le ona o agilwe, motšhene wo mogolo wo o tla šoma letšatši le lengwe ka go khansele ya Khansele ya Dikereke tša Lefase, wo o tla dirago kgapeletšo, le ona. Elel- . . . eupša elelwang . . .

O re, “Ge seo se direga . . .” Go ya go ba thari kudu nako yeo go wena. O šetše o le ka go yona. Ge eba o nyaka go ba, goba aowa, o šetše o le fao. Le a bona? Hlokamelang, le šetše le na le moya wola godimo ga lena.

¹¹⁸ Ka letšatšing ge—ge di—di diphefo tša Moya di foka go tšwa bohlabela, leboa, bodikela, le borwa, go phegelela batho go tšwa go yona, le go laetša batho!

Ke ka lebaka leo ke bilego kgahlanong le tshepedišo yela. Ke bone go be go na le se sengwe fale, leswiswi. Bjalo ka ge ke bone bona basadi ka tsela ye ba aperego selo sela mo sefahlegong sa

bona, ke le boditše Lamorena la go feta, ke tsebile go be go le se sengwe se etla.

¹¹⁹ Gobaneng ka mehla ke le kgahlanong le dilo tše bjalo? Ga se ke e tsebe; ke a e tseba bjale. Gobaneng ka mehla ke le kgahlanong le bodumedi bja go beakanywa? Ke gobane (ke a bo bona bjale) ke leswao la sebata. Le a bona? Ga se ka ke ka bolela seo go fihla feela dibeke di se kae tša go feta. Le a bona?

Bjale, ka morago ga dipolitiki tša kereke, gona go direga eng? Ka morago ga ge Lentšu le hlatsetšwe ka therešo? Bjale, lebelelang, mafelelong go fihlide lefelong fao go swanetšego go ba mafetšo. Mosepelo wa bona wo o latelago bjale e bile...

¹²⁰ Mosepelo wa Bajuda wa go latela e bile eng ka morago ga ge kereke e Le ganne? Kereke e ganne Lentšu. Ba be ba sa nyake selo go dira le Lona. “E be e le moyo wo mobe.” Le tsebile dikgopolo tše di bego di le ka pelong ya bona. “E be e le bobe.” Efela, È be e le Lentšu. Mediro ye A e dirilego, e pakile ka Yena, e hlatsetšo O be a le Mang. Ba be ba sa nyake selo go dira le Lona.

Ka gona, selo sa go latela, se tla go mmušo. Gomme wo ke mmušo wa kereke, gobane ditšhaba tšohle di a amega. Go be go le setšhaba sa bahetene se laola setšhaba sa bodumedi. Bjale, ke, selo sohle ke bodumedi, kafao bo swanetše go tla go bodumedi bja lefase.

Oo, nna, monna wa sefolu o kgona go bona seo! Gomme na monna wa sefolu o reng ge a bona se? Ge a e bona, o tla tšwela ka ntle ga bofotu bja gagwe.

¹²¹ Hlokamelang fao ge khansele ye ya lefase e etla mmogo, “Re tla dira eng ka yo Jesu a bitšwago Kriste?” Ka kgonthe ga ba nyake selo go dira le Lona. Kafao go ne selo se tee feela go se dira, gona, tlwa se ba se dirilego nako yela, ba tla Le bapola, ka kgonthe, ba Le tswalela. “Le ka se sa ba gona gape. Le ka se dumelelwé go e dira.” Maatla a bodumedi bja ditšhaba a ka se ba dumelelwé go e dira gape. Bodiredi bjo bo bjalo bjoo bo yago pele fa, le dilo boka tše, bo tla tswalelwé ntle ka go phethagala. O ka se kgone go dira ntle le tumelelo go tšwa motsemošate, hlogo ya kereke, le a bona, seswantšho sa sebata. Oo! Re mo, seo ke sohle. Re—re—re fihlide.

Gomme ka therešo o hlatsetšwe; mosepelo wo o latelago ke wa go Mmapola.

¹²² Go swana le bjale, go direng bohole ba sa tšoenanego le bona, ba tla tswalelwé ntle gomme ba se dumelelwé go rera, le a bona. Seo se bapola, ka boswa, Lentšu le le hlatsetšwego la tshepišo. E emiše, “Ga o sa dumelelwé go ba le lona gape. Ga go sa na ditirelo tša phodišo. Ga go sa na le thapelo ya balwetši. Aowa, mohlomphegi! O ka se kgone go e dira. Aowa, ga go le yo motee wa ba bangwe ba. Aowa, mohlomphegi! O tla tla go kgabola Khansele ya Dikereke goba ga o nayo le gatee.”

¹²³ Bjale le kgona go bona gobaneng ke le kgahlanong le bodumedi bja kerekeleina, gobane ke leswao la sebata. Roma ke hlogo ya yona, ya pele. Yeo ke nnete tlwa. Gomme se hlola bohle a go e tsea ka go tsoena barwedi, seo ke seswantšho. Mmago yona o dirile selo sa go swana. Roma e kgatlofadišwe kae la mathomo? Bodumedi bja mathomo bja go kgatlofatšwa lefaseng ke bofe? Katoliki ya Roma. Mang kapa mang o na le lentšu leo le rego ga go bjalo, e no ntira ke le kwe. Ga le gona mo. Mokgatlo wa mathomo, kereke ya mathomo e kilego ya kgatlofatšwa, e bile ka Nicaea, Roma. Ee, mohlomphegi. Gomme seo ke tlwa ba se dirilego.

¹²⁴ Gomme Luther o dirile eng ka morago ga lehu la gagwe? Ba dirile selo sa go swana ba se dirilego ka Nicaea, Roma. Ba dirile eng ka morago ga Wesley? Ba dirile eng ka morago ga mesepelo yohle ye megolo yeo e tlidego godimo? Ba dirile selo sa go swana, o dirile barwedi go mmalegogwana, feela tlwa ka phethagalo. Go swana le, ka sa go swana, re a hwetša mo...

¹²⁵ Ke bile le Lengwalo le lennyane le ngwadilwe fa. Mohlomongwe bokaone ke tlogele seo. Eupsa, gomme šetšang, ba bile...

Go kgatlofatša ga kereke go na le tshepedišo ya go swana mmogo lehono. Selo se nnoši ba se hlokago ke maatlatshepedišo a yona, feela se sengwe go e bea ka kgapeletšong. Gomme e tla go makgaolakgang, thwi.

¹²⁶ Kereke ya Katoliki le dikereke tsa Protestant di tla ba bagwera. Ke le boditše gore ge e sa le—ge e sa le, lebaka la mengwaga ye masometharo le metšo ya go feta. Ba tla kopana mmogo. Gomme le bona tlwa se ba se dirago bjale. Pro—po Protestant e ka se tsoge ya ba Katoliki, eupša ba tla ba bongwanešu bja go amana, leswao la sebata, le swana le sebata.

¹²⁷ Go swana le ka mokgwa wa go swana woo mme, Efa, a sentšego lefase ka moka go ya go lehu la nama. Mme, Efa! Theetšang. Mme Efa o sentše moloko ka moka wa motho, ka lehu la nama, (bjang?) ka go gana Lentšu le go amogela se sengwe go nyakilego go swana le Lona. O hlotše lehu la nama lohle gobane o tlogetše Lentšu la therešo, gomme o dumetše Lentšu la therešo gohle eupša feela nthatana gannyane. Go se dumelelane go go tee go go nnyane le Lentšu la go tlala la Modimo go hlotše go baba ga pelo go gongwe le go gongwe, lehu le lengwe le le lengwe le se sengwe le se sengwe se kilego sa ba lefaseng. Efa o se dirile, mmago lehu. Bjale le bona moo re tlag? Mmago lehu, hlokamelang, o nno se dumele Lentšu.

O rile, “Modimo o rile...”

Sathane a re, “Yeo ke nnete.”

“Modimo o rile...”

“Yeo ke nnete.”

"Modimo o rile . . ."

"Yeo ke nnete."

"Modimo o rile . . ."

¹²⁸ "Ee, yeo, yeo ke tlwa. Ka—ka tsela, yeo ke nnete, eupša, o a bona, seo—seo—seo ga se sohle sa Lona. O a bona, o tla—o tla ba le mahlo a gago a bulegile, o tla ba . . ."

Eupša Modimo o boletše, gomme seo se a e ruma, Lentšu! Le a bona, e thomile ka go foša mo gonyane ga Lentšu, gomme, selo sa go swana, e fetša tsela ya go swana.

¹²⁹ Hlohlokamelang, morwedi ke setšweletšwa sa mme le tate, ka kopano. Bjale sese se sengwe sa go tšoša. Eupša lehu, la nama, lehu la mmele ke go kopana ga mme Efa le Sathane, mmogo, ka gosedumele Lentšu la Modimo. Ba kopane gomme ba tlišitše se—se setšweletšwa sa lehu. Yena, le . . . Lehu ke setšweletšwa sa go kopanya Sathane le Efa, mmogo.

¹³⁰ Efa o bile le Lentšu. Sathane o kgahlanong le Lentšu. Gomme, lebelelang, e ka ba masomesenyane senyane le masomesenyane senyane lekgolong a Lona, Sathane o dumetše gore o be a nepile. "Go batamelana kudu," Beibele e rile, "ka matšatšing a mafelelo, o tla fora le bona Bakgethiwa ge go be go kgonega." Le bona ka fao e tsenago, ka fao ka mehla e bilego, ka fao e yago ntle? Tsela ya go swana, kopano ya gosedumele ka go Lentšu lohle la go tlala la Modimo. Le e hweditše? Seo ke se se tlišitšego lehu, ke go kopanya gosedumele le Lentšu. Gosedumele, feela ye nnyane, karolo ya nthatana ya lona; ye nnyane, nthatana, nthatana ye nnyane, tee lekgolong ya phesente e tee. Eupša E swanetše go ba lekgolo le tee la phesente! Ke phetho.

¹³¹ Hlokamelang, morwedi wa Modimo, Kereke, Monyalwa gape ke setšweletšwa, sa Modimo le Lentšu la Gagwe, go kopana. Moya wo Mokgethwa o kopana ka mmeleng wa nama, O tšweleditše Morwa wa Modimo, setšweletšwa sa toko ya Modimo. Gomme ka letšatšing la mafelelo, bjalo ka ge re botšwa, "bjalo ka ge go bile ka matšatšing a Sodoma," Monyalwa o tla kopanya ke Lentšu la Modimo le dirilwe go bonagala ka nameng, Moya wo Mokgethwa o ba tswalelala ka go Modimo, le go tswalelala gosedumele ntle, ka ntle.

¹³² Bjalo ka ge ke boletše, ge bophelo bja Beethoven bo be bo le ka go wena, o tla phela boka Beethoven; ge bophelo bja Hitler bo be bo le ka go wena, o tla phela bjalo ka Hitler. Gomme ge Bophelo bja Kriste bo le ka go wena, o tla phela bjalo ka Kriste, gomme mediro ya Kriste o a e dira. Gomme seo se tla ba. Ge Kriste a ka be a phetše lehono, O be a tla dira tlwa se Lentšu le rilego O tla se dira lehono. Gomme Lentšu le boletše gore, "O a swana maabane, lehono, le go ya go ile." Gobaneng lefase le la go foufala la bodumedi le sa kgone go bona nako ye ba phelago ka go yona? Le a bona?

¹³³ Efa o hlotše lehu la nama lohle, ka go leka go lahlela bohlanya tsoko bja Sathane ka go Lentšu. Gomme seo ke selo sa go swana se diregilego go kereke, ka Nicaea, Roma, ka go tšeа dithutotaelo sebakeng sa Lentšu. Seo ke selo sa go swana ka go Methodist, Baptist, Presbyterian, bjalo ka ge Seetša se tabogela pele ka go lebaka le lengwe le lengwe gomme ba Se gana.

Ke ka baka leo Lutheran e hwilego ge Wesley a tsoga. E be e le ka go lebaka le lengwe. Lentšu le tlie pele, gomme ba ile ba swanela go Le amogela goba go hwa. Ke ka lebaka leo gore Mapentecostal ba a hwa bjale, gobane lebaka le fa. Lentšu le dirilwe go bonagatšwa, nako ya ntšu, nako ya Lentšu go bowa morago, “go bušetša Tumelo ya botate, morago go bana gape.” Gomme ba kopane kudu, ba a Le gana, gomme ga se bona selo eupša lehu la semoya. Ka mehla . . .

¹³⁴ Mmele wa Modimo, o kopane bjalo ka Monyalwa wa Gagwe, e lego yo Motee; Yena le Kriste, mmogo, ke Moya o šoma ka nameng ya Kereke boka O šomile ka nameng ya Jesu Kriste, ka gore Ke karolo ya Mmele wa Gagwe. E sego babedi; eupša yo Motee! Ke ba Batee. Monnamogača le mosadimogatša ga e sa le babedi, eupša o tee. Gomme Kriste le Mmele wa Gagwe ke Batee. Gomme Moya wa go swana o bego o le ka go Kriste o ka go Monyalwa wa Gagwe, ka Mmeleng wa Gagwe, wo o Ba kopanyago mmogo le Lentšu lohle. Gomme Modimo a phela ka kua, ka Boyena, a e bonagatša.

¹³⁵ Gomme molwalekriste, ke go re, “Oo, ke dumela ka go Kriste, ke dumela go Ebangedi, Ke dumela go Dilo tše, eupša, le a tseba . . .” Ke lena bao. “Eupša, le a tseba, matšatši a mehlolo a fetile. Ga go na se bjalo ka seo, le a bona.” Ke lena bao. “Oo, ga ke dumele le swanetše go kolobetšwa mo Leineng la Jesu Kriste.”

¹³⁶ Eupša Beibele e rile le dirile. Bjale ke nyaka moithutamodimo tsoko go ganetšana le seo. Le a bona? Le a bona? E swanetše go ba. O re, “Gabotse, kolobetšo ga e dire phapano ye itšego.” Gabotse, gona, gobaneng e ngwadilwe? Gobaneng e dirile phapano go Paulo? Gobaneng e dirile phapano go bohole ka moka ga bona? E ba gore o kolobeditšwe . . .

Beibele e rile, “O na le leina gore o a phela, gomme o hwile,” gobane ga go leina le lengwe le filwego ka tlase ga Legodimo.

Gobaneng o tla rera ka go Lona, wa rapela ka go Lona, se sengwe le se sengwe gape, eupša, ge o etla mogobeng, o a Le gana? Uh-huh. Le a bona?

Ke rile go monna letšatši le lengwe, ke rile, “Go ka reng ge motho . . .”

O rile, “Ga go dire phapano ye e itšego.”

¹³⁷ Ke rile, “Ge motho a etla go wena, gomme gona o rile o kolobeditšwe ka leina la ‘Rosa ya Sarona, Lili ya Moeding, le Naledi ya Moso,’ a o tla re o lokile?”

A re, "Aowa, mohlomphegi."

Ke rile, "A o ka mo kolobetšagape?"

"Ee."

Ke re, "O tla mo kolobetša bjang?"

O rile, "Ka leina la 'Tate, Morwa, le Moya wo Mokgethwa.'"

¹³⁸ Ke rile, "Go lokile, bjale o dirile tlwa, o beile... Ge o bitša ale 'maina,' o dirile selo sa go swana a se dirilego ge a rile, 'Rosa ya Sarona, Lili ya Moeding, le Naledi ya Moso,' ka gobane yeo ke thaetlele, le 'Tate, Morwa, le Moya wo Mokgethwa' ke thaetlele. O a bona?"

O rile, "Eupša Jesu o rile kolobetšang, 'Leineng.'"

¹³⁹ Ke rile, "Seo ke tlwa se A bego a era go se dira. Eupša se ka gare, e sego—e sego... Ga se A re, 'bitšang mantšu a.' 'Ba kolobetšeng Leineng,' Leina! Oo, nna!" Ke rile, "'Tate, Morwa, le Moya wo Mokgethwa' ke dithaetlele. 'Leina la Tate, Morwa... Leina la Tate, Morwa, le Moya wo Mokgethwa.' Le a bona?" Ke rile, "Petro o rile E be e le eng? Ka moka ga bona ba re E bile eng? Le a bona? Ke eng Lona? Uh-huh. Mo 'Morena Jesu Kriste' ke Leina la 'Tate, Morwa, le Moya wo Mokgethwa.'" O na le e ka ba dikete tše masometharo tša badudi ba setlogo a tla swanelwago ke go ba kolobetšagape gape bjale. Le a bona? Go lokile. Eupša yeo ke nnene. Paulo o rile, "Ge Morongwa go tšwa Legodimong..."

¹⁴⁰ Paulo o boditše batho bale bao ba bego ba se ba kolobetšwa Leineng la Jesu Kriste, Ditiro 19:5, gore, gore ba amogela Moya wo Mokgethwa, ba ile ba swanela go tla. Le ge ba be ba goelela le go tumiša Modimo, le go dira dilo tše kgolo, o rile ba ile ba swanela go tla morago le go kolobetšwagape, gape, Leineng la Jesu Kriste. Ka morago ga ge Johane Mokolobetsi a ba kolobeditše, ba ile ba swanela go tla morago le go kolobetšwagape.

Gomme o rile, ka go Bagalatia 1:8, "Ge Morongwa go tšwa Legodimong a ruta selo se sengwe e sego se ke le rutilego, a be morogwa." Ee, mohlomphegi. Kafao re swanetše go dula thwi le Lentšu lela, Lentšu le lengwe le le lengwe la Lona. Le a bona?

¹⁴¹ Hlokamelang. Oo, le se be le diphošo; ebang le nnene ka go felela. Ge go na le e ka ba eng e belaelago monaganong wa gago, bokaonana o e otollele godimo bjale. O se lete go fihla nako yeo, go thari kudu. Le se ke la leta go fihla le tšeа leswao botebo kudu le ka se tsoge la Le bona gape, le tla ba difofu.

O foufaditše Israele, gore A ke a bonagatše Lentšu la Gagwe. O dira selo sa go swana go Bantle, gobane fa—fa ba sepelela thwi ka go yona feela go swana le ge ba dirile nako yela.

¹⁴² Hlokamelang, Efa o ganne gomme a lahlegelwa ke ditokelo tše gagwe. Ka morago ga ge a bone Lentšu le hlatssetšwe ke

Modimo, seo A se dirilego, o Le ganne gomme a lahlegelwa ke ditokelo tša gagwe. Selo sa go swana ba se dirilego ka Nicaea, Roma. Gomme selo sa go swana ba se dirago bjale ka go Khansele ya Dikereke, feela tlwa. Baena, go na le, go tloga go Genesi go ya go Kutollo, selo sa go swana. Seo ke se Israele e se dirilego. Seo ke se Pilato a se dirilego. Seo ke se selo ka moka se se dirilego, ka mehla, go tloga go Efa go fihla bjale, selo sa go swana. Ba gana Lentšu le le hlatsetšwego gomme ba tšea thutotaelo, go na le. Seo se dira lehu, lehu la semoya.

O hwile! Lentšu le sa rerelwa bahu. Tlwa! Go ka se be ka Mileniamo, bjale, le a bona. Bona ba—bona ba, šetše ba reretšwe. A ka no be a O hwetša gonabjale. Le a bona?

¹⁴³ Barwa ba Kaine, e bego e le setšweletšwa sa gosedumele ga Lentšu la Modimo, Barwa ba Kaine ba kwerile molaetša wa moprofeta Noage. A le hlokometše seo? Ka Lentšu la Modimo o tlišitše ka—ka kahlolo ye e akanyeditšwegopele, gomme ba bile le maswao a pepeneneng, maswao a a hlatseditšwego gore nako e be e le bofelong, gomme barwa ba Kaine ba O kwerile.

Kafao bjalo ka ge ba dira bjale. Kafao, seo, ba dirile mo letšatšing la Jesu. Kafao ba dirile go kgabola mabaka ohle. Ka mehla go bile. Ba a kwera le go dira metlae ka Lona. O rile, “Ka matšatšing a mafelelo go tla tla bakweri, ba re, ‘Ga go phapano ka nakong yeo, ge e sa le botate ba rena ba robetše.’” Lena, le a bona?

¹⁴⁴ Go bjalo le barwa ba diabolo, ka tshepedišo ya bodumedi, ka Lentšu le dirilwe go bonagala ka nakong ya Jesu Kriste. Lebelelang, ditshepedišo tša bodumedi tša batho ba Bajuda, (Kgaetšedi Rose), batho ba Bajuda bao ba swanetšego go be ba tsebile bokaone, eupša tshepedišo ya bona e ba dirile go gana le go kwera Lentšu la Modimo (leo ba tleleimilego ba le dumetše) le dirwa go bonagala, e sego Lentšu le tee go tšwa tseleng. Ba dirile selo sa go swana.

¹⁴⁵ Go swana le ge ba dira lehono. Tshepedišo ya bodumedi ka go motšhene wo mogolo wo wo ba nago le ona o lokišitše bjale ba tla, ka go felela, ba ganne ditshepišo mo nakong ya bofelo; ka Molaetša wa nako ya bofelo, le leswao la nako ya bofelo, nako ya bofelo se sengwe le se sengwe seo se swanetšego go ba, bjalo ka ge Modimo a se akanyeditšepele, Lentšu ka Lentšu.

E godimo ga theipi. Ge—ge ba ka nthunya, goba eng kapa eng ba ka se dirago, ba ka se tsoge ba emiša Molaetša woo! Le a bona? O tla ya pele feela go swana. Le a bona? O šetše o le ntle. O gatišitše. O ile. Le a bona? Ba ka se tsoge.... Ke—Ke Lentšu la bofelo, gonabjale. Seb—... Le hlatseditše le go netefatšwa go tsenelela, gape le gape le gape, ka maswao, matete, ka dikgerekere, ka—ka—ka Maatlatshepedišo, ka—ka saense, ka kereke, ka Modimo ka Boyena, o netefaditše gore ke iri; bobedi ka Lentšu, le ka maswao le matete.

¹⁴⁶ Molaetša wo o dumelitšwego ke Modimo magareng ga lena, ka maswao le matete a iri. Molaetša wo Jesu Kriste a sego a hwa, eupša o a phela feela go swana le ka mo A kilego a ba, le go romela pele. Gomme o phethagatša Maleaki 4 le ohle Mangwalo a mangwe ao Jesu a boletšego gore a tla ba matšatšing a mafelelo, a phethagaditšwe ka go felela, bobedi ka sesaense, ke lefase. Gomme dikgatišobaka di be di rwele dinepe tše kgolo tša dintikodiko tša Seetša, seo se akanyeditšwegopele mo. Barongwa ba Modimo, bao ba tlilego fase, gore ga ba tsebe selo ka bona. Gomme gohlegohle, mogohle, go netefaditšwe, lefaseng tšekelele!

¹⁴⁷ Sa go latela ke papolo, gomme re lebane le yona. Bjalo ka ge Jesu a boletše nako yeo, “Ke tla reng, ‘Mphološa, Tate, go tloga go iri ye?’ Eupša, aowa. Thato ya Gago a e dirwe, le a bona, lefaseng, bjalo ka ge go le Legodimong.”

¹⁴⁸ Seo ke se Kereke e se bolelago, lehono, go tšwa pelong ya yona, “Nna ke tšoena se sengwe . . . ? Aowa, Morena, aowa. Thato ya Gago a e dirwe, bjalo ka ge e le Legodimong.”

¹⁴⁹ Hlokamelang, ka morago ga ge Lentšu le le tshepišitšwego la lebaka leo le hlatsetšwe, ba ile ba Le gana. Ba dirile se se swanago lehono. Gomme bjale ke tla tlase go tswaleleng bjale. Gomme bjalo ka ge A tlile nako yeo ka go hlaka a itsebagatša Yenamong go ba Lentšu, gomme e tla go makgaolakgang moo ba swanetšego go kgetha Lentšu goba go tsea tshepedišo; e tlile go selo sa go swana lehono, ba swanetše go kgetha Lentšu goba go tsea tshepedišo. Gomme ba tšere tshepedišo. Bjale seo se dira eng? Go tswaleleng. O diatleng tša lefase. Nnete.

¹⁵⁰ Bjale, sehlogo sa ka. Tše ke ditsela tše telele go aga tikologong, eupša bjale ke sa tšo thoma, le a bona. Le se emelele, ke be ke no goka. Lebelelang, sehlogo sa ka sese. Re tseba seo. Seo se bea bokamorago. Re na le yona e letše ka go mothalo o tee fa bjale. A re e beeng thwi tlase gae gomme re bone se e bogegago boka, go mmea ka tlase ga galase.

¹⁵¹ Jesu o diatleng tša batho. E godimo ga diatla tša kereke. O tla dira eng ka Jesu yo a bitswago Lentšu le le tloditšwego? Kriste go ra “Lentšu le le tloditšwego.” Le a bona?

“Le tla dira eng ka Jesu yo?” Pilato o boletše. “Ke tla dira eng ka Lona? Ke eng, mosepelo wa ka ke eng? Nka kgona go dira eng ka Jesu yo a bitswago Kriste?”

¹⁵² Lefase le biditše eng? Kereke e bileditše eng ntle? “Le bapoleng! Le emišeng! Ga re sa Le nyaka gape.”

¹⁵³ Ke ya go le botšiša se sengwe. A le ka eleletša molato mo diatleng tša Oswald, mosong wo, yena yoo a bolailego Mopresidente? A le kgona go eleletša se kahlolo ya gagwe e tla bago ge a netefaditšwe go ba yena yoo a e dirilego? A le ka kgona—a le ka eleletša kgaogelo e ka ba efe e mo šaletšego? Madi a Mopresidente wa United States a diatleng tša gagwe. A

le nagana gore Kgorotsheko ya Feterale . . . Ga go kgathale gore o phophothile gakaakang, “Ke be ke sa re go e dira,” seo se ka se mo lebalele le gannyane. O tla senyega. Gobaneng? O na le madi a Mopresidente diatleng tša gagwe. A le kgona go eleletša maikutlo a gagwe? A le ka nyaka ao diatleng tša lena? [Phuthego e re, “Aowa.”—Mor.]

¹⁵⁴ Gabotse, go reng ka Madi a Jesu Kriste gona? O nagana gore o tla šokelwa, ka morago ga ge Le hlatsetšwe ka go tsenelela? O ya go Le phonyokga bjang? Madi a Gagwe a diatleng tša gago, molato! Modiradibe, o ya kae go tloga mo? O ya go dira eng ka morago ga kopano mosong wo?

¹⁵⁵ A o nagana, o re, “Gabotse, ke ikemišeditše . . . ga se ke re go ba yo mobe.” Oswald a ka bolela selo sa go swana.

Ge toka ya Kgorotsheko ya rena ya Godimo e tla bitša bakeng sa toka, e tla bitša. Ke—ke ya rena . . . Ke gomangkanna ya setšhaba. Setšhaba ka moka se tlemeletšwe go Kgorotsheko yela ya Godimo, gomme go ka se kgone go ba selo se šetšego. O dirile bosenyi. O swanetše go lefa bakeng sa bjona. Ga go kgathale o be a sa re bontši gakaakang, ka fao maikešetšo a gagwe a bilego, goba ga go selo ka ona; o ya go bo lefelela, golebjalo.

Ge Kgorotsheko ya rena ya Godimo le toka ya yona e nyaka tefo ya moputso, ke bontši gakaakang o tla ikhwetšago wenamong mo Pankeng ya Kahlolo ya Modimo, ge o etla ka Madi a Jesu Kriste diatleng tša gago? “Ke tla dira eng ka Jesu yo a bitšwago Lentšu le le tloditšwego?” O Le kwele. O a tseba Ke Therešo. Le hlatseditšwe ka go tsenelela.

¹⁵⁶ Mmolai? A o ka kganyoga mmolai wa kerekeleina wa Lentšu, go feta Kriste wa go hloka molato? A o ka bapola? A o ka—a o ka leka go tsea Baraba? A o ka bitša bakeng sa Baraba? E ka ba mang a ka dirago seo, go bitša bakeng sa Baraba, mmolai wa Lentšu; go feta go tsea Lentšu, ka Bolona, e lego Bophelo. Gomme Bo diatleng tša gago.

¹⁵⁷ Ge ke kwele ka polao ya Mopresidente Kennedy, Molaetša wo o wetše pelong ya ka. Ke naganne, monna yola o tla dira eng? Gomme ga go tsela go tšwa go yona bjale. A ka no tsoga ka nako ye gomme a lemoga se se letšego pele.

¹⁵⁸ Gomme le ya go tsoga nako ye nngwe. Fa, goba godimo ga theipi, kae kapa kae le lego, o ya go tsoga nako ye nngwe, modiradibe, le go lemoga gore go ne Madi seatleng sa gago, gomme Madi a Morwa wa Modimo, gomme o na le molato wa go Mmolaya. Sebe sa gago se Mmolaile. Gosedumele ga gago ka go Lentšu la Gagwe, go palelwa ga gago go bona boitsebišo bja Gagwe, go nyamišitše Moya wo Mokgethwa. Gomme o ka kgona go dira eng eupša go ema mo Kahlolong ya Modimo, go tseba se se yago go direga go wena! Ee, madi a John Kennedy ka diatleng

tša Oswald e tla ba selo se sennyane, go feta Madi a Jesu Kriste diatleng tša gago ge o eme pele ga Modimo.

¹⁵⁹ “Ke tla dira eng ka yo Jesu a bitšwago Kriste?” Pilato o boletše. O be a beilwe diatleng tša gagwe.

Gomme Madi a Jesu Kriste a beilwe gape godimo ga diatla tša phuthego ye. A beilwe diatleng tša setšhaba se, le go dikologa lefase le, moo ditheipi tše di bilego gona, le dilo tše di hlatsetšwego le go netefatšwa ke Modimo.

Bjale re tla dira eng ka Jesu yo a bitšwago, “Wa go swana maabane, lehono, le go ya go ile”? Re tla dira eng ka Jesu yo? A le komana go tšeа lefelo la lena lehlakoreng la Gagwe?

¹⁶⁰ Pilato, gomme ka selo sa go swana Pilato a se dirilego, fao go dutše dilo tše tharo o ka kgonago go di dira ka Yena. Pilato o lekile tšohle tše tharo, gomme o e fošitše. Dikimi tše tharo tšeо o ka lekago go šoma, eupša e ka se tsoge ya šoma. Pilato o lekile go Mo tloša diatleng tša gagwe. Eupša ge gatee le beilwe godimo ga diatla tša gago, Le godimo ga diatla tša gago. Pilato o lekile ditsela tše tharo tša go fapana, gomme a šitwa.

¹⁶¹ Re swanetše go lebanya dintlha gore O ka diatleng tša rena. Re Mmone ka go Lentšu la Gagwe. Re Mmona a itlhatsela Yenamong. Re a tseba gore O a swana maabane, lehono, le go ya go ile. A yeo ke nnete?

Gona, ga ke bolele feela le phuthego ye fa mosong wo, gobane ke bolela feela le ba tshela, batho ba makgološupa, mohlomongwe, eupša ke bolela le dimilione ka go theipi ye yeo e tla yago go dikologa lefase. Le a bona? O diatleng tša gago, ka go naga ya theipi, e ka ba kae o lego. O a tseba Ke Therešo. Ge o sa dire, gona o sefov; o ka se kgone go bona Lentšu, le bile o ka se kgone go bona Modimo ka go Lentšu. Gomme O diatleng tša gago. Bjale o ya go dira eng ka Yena?

¹⁶² Pilato o lekile go Mo fediša, eupša re swanetše go lebanya dintlha. Pilato o ile a swanela go Le lebanya. O tsebile. O be a kwele.

Gabotse, o re, “Ga se nke ka ke ka bona e ka ba efe ya yona.” O Le kwele, go le bjalo. O a Le kwa bjale. Le a bona?

O nyakile Jesu go dira mohlolo, goba manka, bakeng sa gagwe. Eupša O be a sa bapale manka; O be a dira feela bjalo ka ge Modimo a Mmoditše go dira.

¹⁶³ Le kwele. “Tumelo e tla ka go kwa.” O na le tumelo, gomme wa tloga go tšwa go yona, go tloša se diatleng tša gago. Eupša o swanetše go lebanya dintlha, go le bjalo. O dirile, gomme ka fao re swanetše go lebanya dintlha. O tsebagaditše ka botlalo. Naganang, ka Madi a Monna godimo ga diatla tša lena!

¹⁶⁴ Motho o swanetše go hlokomela ge a na le madi a monna yo mongwe godimo ga diatla tša gagwe. Lebelelang sefovane. Mofofiši go tšwa sefovane, ge a kitimišetša sefovane ntle, o

lekola sedirišwa se sengwe le se sengwe. Gobaneng? O na le madi a yo mongwe godimo ga diatla tša gagwe. Sedirišwa se sengwe le se sengwe se sennyane seo se ka kgonago go lekolwa, o a se lekola. Ge a tšwela ntle le go retolla sefofane go dikologa, o—o—o dumiša mmo—mmo—mmo mmotho entšene, le go bona gore e a huthumela. Gomme o fošetša selaolamoela wa petrole le maatla tsela yohle go yona, go bona gore sethunyi se tla—se tla . . . ge eba se tla kgonago—go—go gapeletša, goba go lahlela sesepediši, gape, le moywa go lekanelo go se fofiša go tloga fase.

Le eme, bontši bja lena, ka sefaneng, goba le dutše fase fale, gomme sefofane ka moka se hlochlora mobu, go nyakile. O se fa yohle e nago, go bona ge eba go ne e ka ba eng e tšwilego mothalong. Ge e ka dira, e tla tshwela le go tomogela ntle. Eupša o e lekola gape, ge a swanetše go dula fale nakwana, go fihla a e lekola gape. Gomme ge ba ka swara nako ya gagwe gannyane, o e lekola gape.

¹⁶⁵ Ka fao Kereke e swanetšego go be e e lekola gape, le gape, le gape, le gape! Re letetše go Tla ga Gagwe. Re phafogile, re letetše go thakgoga. Bokaone re e lekole ka Lentšu, e sego seo yo mongwe a se boletšego. Eba le nnete o a tseba, wenamong, bjalo ka boitemogelo bja sebele le Kriste. E lekole gape, le gape, le gape.

Gobaneng? O ne madi a motho godimo ga diatla tša gagwe. Bokaone lekola.

¹⁶⁶ Go reng ka ngaka, pele ga karo? Re na le dingaka tše mmalwa di dutše mo mosong wo. Hlokamelang, gore ngaka, se a tla se dirago pele a eya go kara. O nyaka x-ray. O nyaka go lekola madi. O nyaka go lekola pelo. O nyaka go bona ge eba o na le mokgohlwane e ka ba ofe, pele a efa seedibatši. O lekola sedirišwa se sengwe le se sengwe; o a di apea, go tsenelela, go kgonthiša ga go twatši godimo ga sona. O dira se sengwe le se sengwe. O lekola gape, le gape, le gape, le gape, gape. Gobaneng? O na le madi a motho godimo ga seatla sa gagwe. O nyaka go ba le bonnetenete gore se sengwe le se sengwe se no ba gabotse ka mo se kgonago go loka.

¹⁶⁷ Go reng ka wena? Go reng ka wena, modiradibe, o ikwetše eng ka yona?

Go ba le madi a motho seatleng sa gago, boikarabelo boka mofofiši, gomme o a lekola; ngaka, gomme o a lekola; gomme ke eng gape go fetiša, bosaense bjo bontši kudu; ge o na le madi a monna godimo ga diatla tša gago, se o tla se dirago!

Ge moahlodi a eya go kwagatša kahlolo, lebelelang ka fao a balago dipuku tšela, gape le gape le gape le gape, go selo se sengwe le se sengwe se sennyane seo a ka kgonago go se bona, pele a kwagatša kahlolo. Ka gore, o na le madi a monna godimo ga diatla tša gagwe, go swanetše go ba selo se sengwe mo go lokafatša yeo. Le a bona?

¹⁶⁸ Go reng ka rena, ge re Le bona le tsebagaditšwe ka go tsenelela, gore, “O a swana maabane, lehono, le go ya go ile”? Yena o mo. Yena o godimo ga diatla tša rena. Yena o godimo ga diatla tša rena. Yena o godimo ga diatla tša gago! O ya go dira eng ka Yena? “Ke tla dira eng ka Jesu yo a lego Kriste yo a tloditšwego?”

“Lona le dira eng? O tseba bjang gore Ke Yena?”

Tshepišo ya letšatši le, letšatši leo re phelago ka go lona, go na le bontši kudu bja Lengwalo bo re, diintšhi tše dintsí kudu tša Lona di swanetše go phethagatšwa, diintšhi tše tša mafelelo tša letšatši le la mafelelo. Go na le dilo tše dingwe di dutše *mo* tseo di swanetšego go direga, gomme še yona. Ke eng? Kriste yo a swanago yo a tloditšwego, Lentšu le le tloditšwego! O ya go dira eng ka Lona? A o ya go Le rekiša go kerekeleina?

¹⁶⁹ Bjale Pilato o dirile eng? Pilato o lekile go Mo hlatswa go tloga diatleng tša gagwe, ka go re... Selo sa pele Pilato a se dirilego e bile go leka go Mo hlatswa go tloga diatleng tša gagwe, ka go re, “Oo, O lokile. O lokile.” Le a bona?

¹⁷⁰ Le re, “Oo, Pilato wa go šokiša.” Pilato, bontši bja bona ba mo lokafatša? Aowa, aowa, aowa! O be a le diatleng tša gagwe. O be a kwele Molaetša, o be a bone Lentšu, gomme O be a le diatleng tša gagwe. Gomme kafao O ka diatleng tša gago. Yeo ke nnete.

O dirile eng? O lekile go re, “Oo, gabotse, Yena ke Monna wa go loka. Ga ke hwetše phošo ka go Yena.”

¹⁷¹ Ge yeo e se ka—ka—ka karabo ya ba bantši kudu lehono! “Oo, ga go selo sa phošo ka Lentšu. Ke a thanka le lokile. Beibele e lokile, eupša re dumela kereke. Kerekeleina ya rena ga e dumelane le Lona.” Le a bona? Le a bona? Go na le legoro le tee la batho ba leka go Mo hlatswa go tloga seatleng sa gagwe.

“Ga ke hwetše phošo ka go Lentšu. Le be le lokile go baapostola mo letšatšing la bona, eupša re phela ka go letšatši le lengwe. Ga re phele ka letšatšing la baapostola, kafao kagona ga ke a swanelo go dira boka baapostola ba dirile. Ga ka swanelo go kolobetšwa ka tselo ye ba bego ba le; ke phela ka letšatšing le lengwe. Ga ka swanelo go ba le dilo tše ba bilego natšo; ke phela ka letšatšing le lengwe. Moya wo Mokgethwa o be o nno fiwa bakeng sa sehlopha sela.”

¹⁷² Bahebere 13:8 e Mmea morago diatleng tša gago gape. Ga go go phonyokga! O hlatsetšwa go tsenelela, “O a swana maabane, lehono, le go ya go ile.” Ga o na go phonyokga. O ka se kgone go Mo feta go ya go lebakla le lengwe. Bahebere 13:8 e ahlolala dikgopololo tša gago, le go Mmea thwi morago diatleng tša gago gape. Kafao Jesu o diatleng tša gago, feela boka go tša Pilato.

Lebelelang. O re, “Eupša ga ke tsebe.” Gabotse, gobaneng o theeditše?

¹⁷³ Pilato o be a le mohetene. Mosadimogatša wa gagwe o be a le mohetene. Eupša Modimo, go e dira feela, o rometše mosadi yola ka fale gomme o rile, “O se be le selo go dira le Monna yo wa goo loka.” O rile, “Ke tlaišegile letšatšing le.” Nnete, e be e le moso, go be go bile nakong ya bošego, gomme diiri tše tee tše masomepedi nne di tšewa go ba letšatši. “Ke tlaišegile ka ditoro tše rilego bošegong bjo, ka Monna yola wa moloki. O se be le selo go dira le Lona.”

¹⁷⁴ Bjale o rile, “Gabotse, gona, ge seo se le bjalo, ke tla no Mo hlatswa go tloga diatleng tša ka.” Eupša ga se a kgona go e dira.

Ešita le wena o ka se kgone. Gatee ge o ekwa Therešo, o swanetše go E amogela goba go E gana. Ga go tsela... Ee, mohlomphegi, o swanetše go e dira. Ditshebotšo tša Morena!

¹⁷⁵ Bajuda ba goleeditše, “A nke Madi a Gagwe a be godimo ga rena; ka gore re tla dumela baprista ba rena, tshepedišo ya kerekeleina ya rena, pele re ka Mo dumela.”

Ke lena bao. Le bona magoro lehono? Eupša bohle ba swanetše go lebanya taba ya Modimo. Lena bohle le swanetše go e dira, go le bjalo, bohetene goba e ka ba eng le ka bago. Mosedumele, Momethodist, Mobaptist, Mopresbyterian, bolelo, go tonya, go fiša, le e ka ba eng o ka bago, o swanetše go lebanya taba feela go swana. Ge eba o a nyaka, goba aowa, E diatleng tša gago. Seo ke tlwa.

¹⁷⁶ Gona go ne bale ba lekago sekimi se sengwe sa Pilato go phema taba, go Mo fetišetša go Kesare tsoko yo mongwe. Le a bona?

Pilato o rile, “Bjale emang motsotso. Ga—ga—ga—ga ke nyake selo go dira le Yona. Ke—ke—ke—ke... Yena ke Monna wa go loka. Ga—ga ke nyake selo go dira le Yena. Oo, ke—ke dumela se ke se kwelego. Ga se nke ka tsoge ka Mmona a dira mohlolo, eupša go ne dihlatse tše dintši kudu bakeng sa Gagwe. Ke—ke—ke a dumela Yena ke Monna wa go loka. Yena ke Monna wa go loka, le a bona, eupša—eupša ga—ga ke nyake selo go dira le Yona, ka bona. Ke—ke—ke no... ke tla no Mo hlatswa go tloga diatleng tša ka. Ntlišetšeng meetse a mangwe. Lena bohle le mpeela bohlatse fa.” Ya. Eupša Modimo o be a bea bohlatse, le yena. O be a le diatleng tša gagwe.

¹⁷⁷ Gomme ka fao O diatleng tša gago. Le a bona, wena, o tseba se ke bolelago ka sona. Le a bona? E sego feela lena, eupša theipi ye. O diatleng tša gago. O ya go dira eng ka Yena, Jesu yo a bitšwago Kriste? Kriste ke Lentšu le le Tloditšwego. Le a bona? O ya go dira eng ka Lona? Ke Molaetša wa iri. Letšatši le mo, le netefaditšwe ka go tsenelela ke Beibele le ke Modimo. O ya go dira eng ka Lona? O ya go phema bjang taba bjale? O ya go feta bjang le yona? Yena o diatleng tša gago! Gomme molato wa Oswald e tla ba wo monnyane, go wa gago, le ge modiredi goba e ka ba mang o ka bago.

¹⁷⁸ Bona Bajuda ba be ba le baprista, le borabi, barutiši, banna ba bakgethwa; eupša O be a le diatleng go no swana. O be a le Lentšu, taba ya Modimo bakeng sa letšatši leo, gomme ba šitilwe go Le bona. Feela bakgethiwa ba Le bone, bona bao ba Le dumetšego.

¹⁷⁹ Bjale bohole ba swanetše go lebanya taba. Ka go lebaka le lengwe le le lengwe go bile bjalo, nako ye nngwe le ye nngwe. Go kgabola lebaka la Efa le Adama, pele go theoga go ya go lebaka la Noage, pele go theoga ka nako ya Daniele le Belesatsara le Nebukadinetsara, pele go theogela go ya ka go nako ya Kriste, pele go theoga ka go yona iri ye re phelago, e bile go swana, taba ya Lentšu e tlide pele. E sego thutotumelo ya bona, goba e sego kerekeleina, e sego thutotaelo, eupša, taba ya Lentšu e be e le kgahlanong le dilo tše. Kafao, bjale, Le diatleng bjale.

¹⁸⁰ Gona bale ba lekago sekimi se sengwe sa Pilato, go Mo tloša, ka go Mo fetišetša go yo mongwe gape. Pilato o rile, “Bjale, le a tseba ke eng? Ke tla no Mo tloša seatleng sa ka. Ke tla Mo hlatswa go tloga diatleng tša ka ka meetse a. Kafao ke tla no... Ke swanetše go dira se sengwe ka Yena. Kafao ke tla dira eng? Ke tla Mo romela godimo go motsemošate, le pišopo.” Uh-huh. Ya.

Seo ke se ba lekago go se dira lehono. Le a bona? Ba Mo rometše go Kesara. Seo ga se sa ke sa Mo tloša diatleng tša Pilato, go Mo tloša seatleng sa yo mongwe. E dirile eng? E thunyeditše morago go yena. E tla thwi morago go motho ka motho.

¹⁸¹ O re, “Gabotse, ke tla dira, ke tla e dira. Ke tla Le amogela ge eba kerekeleina ya ka e tla Le amogela.”

Kerekeleina ya gago e ka go Khansele ya Dikereke, e ahlotšwe! Ba ya go Le amogela bjang? Le thunyetša morago, thwi morago go wena. Ga se seo kerekeleina ya gago e se bolelagoo; ke, o reng? Ba Le ganne; bjale le ya go dira eng ka Lona? Seo ke selo sa go latela. Le a bona? Seo ga se Mo tloše diatleng tša gago.

O hlatsetšwa ka go tsenelela. O tsebagatšwa ka go tsenelela, Lentšu la iri ye, tshepišo ya iri ye. E sego tshepišo ya iri ya Luther; leo e be e le Lona nako yela, leo e be e le Lentšu ka go lebaka la mompshafatši. Bjalo ka ge, lena bohole ba le kwelego Mahuto a Šupago, ge lebaka la bampshafatši le ile ntle, Sebata ka sefahlego boka motho (mokgatlo) se gorošitše; eupša se ke sefahlego sa ntšhu, Sebata seo se ilego go dira tlhohlo lehono.

¹⁸² Gomme ke mang a ka lekago go bolela gore leo e be e se Lentšu la Modimo le le šušumeditšwego, ge A Le boleletšepele mo, le go romela ntle mošola ka Arizona le go Le tliša thwi morago, ebile le saense le se sengwe le se sengwe gape, le go Le netefatša bjalo! Puku ye e šetše e butšwe, yeo ke nnete, e nno letela Lehuto la Bošupa go tsebagatšwa ka go Tla ga Kriste.

¹⁸³ Go lokile, O diatleng tša gago. O swanetše go dira se sengwe ka Yena. O se Mo tloše. Ee, mohlomphegi. Ka go legoro le, ke tla rata go re, “go Mo fetišetša go yo mongwe gape.”

“Ge kerekeleina ya ka e ka Le amogela, Ngwanešu Branham, ke tla—ke tla Le amogela. Eupša, le a bona, mme wa ka o be a le wa kereke ye.” O phetše lebakeng la gagwe; yoo ga se wena. Ke wena bjale. Lebelelang se a bego a swanetše go tšwela ka ntle ga sona, go ba se a bego a le sona. Go reng ka wena? Go lokile.

¹⁸⁴ Lebelela. O re, “Mme wa ka o be a le Mopentecostal. O dirile *bjalo le bjalo*. O tšwa mokgatlong.” Eupša ke leka go bolela le wena bjale. Go reng ka wena? Le a bona?

Ka go legoro le, re hwetša ba bantši ba rutegile. Bjale, ke a tseba ke ya go gobatša maikutlo fa, eupša ga ke e dire ka maikešišetso. Ge ke dira, gona ke—ke swanetše go ba tlase mo aletareng, ke sokologa. Ke bolela se ka lerato la bomodimo.

¹⁸⁵ Jesu, ge A eme fale, gomme bona Bafarisei; o ile swanela go re, “Ke lena ba tataweno, diabolo; mediro ya gagwe le tla e dira.” Efela o bitša bakeng sa khutšo le kgaogelo bakeng sa bona, mo sefapanong, bao ba Mmapotšego. Le a bona, O be a se a ba kwatela. O rile, “Lena moloko wa dinoga.” Le a bona? Le a bona? Se sengwe le se sengwe, O ba rogakile go se sengwe le se sengwe A bego a kgona, le a bona, gomme ka gona a ba rapelela sefapanong. Le a bona? E be e se O be a nyaka go dira seo; e be e se seo, eupša ba ile ba swanela go bona phošo ye ba bego ba e dira.

¹⁸⁶ Gomme ke bolela selo sa go swana lehono, ka go legoro le la “go fetišetša tholo godimo ga yo mongwe gape,” goba se sengwe re se bitšago ka sešoleng, “go fetišetša tolara godimo ga yo mongwe gape.” Re leka go e fetiša, boka Adama le Efa ba dirile.

Efa o lekile. Adama o rile, “Mosadi yo O mphilego yena,” gomme seo e be e se boitshwarelelo go yena. Le a bona? Mosadi o rile, “Sephente e mphorile. O . . . O bile yena yoo a bilego le taba ya thobalano le nna. O mphorile. O dirile se.” Seo ga se sa e thibela, le gatee. Ba ile thwi pele go kahlolo, feela go swana. Ee, mohlomphagi. Go lokile.

¹⁸⁷ Ba ka se kgone go e fetiša, o motee . . . A ka se kgone go re, “Ge kerekeleina ya ka e ka dumela Le, ke—ke a dira le nna. Eupša, ke bile ka go kerekeleina ye.” Seo ga se na le selo se tee go dira le yona. Bajuda ba bile le selo sa go swana, le dira bjalo.

¹⁸⁸ Gomme, hlokamelang, bontši ka go se, re hwetša banna ba mekgwa ye mekaone ka go legoro le. Bjale theetšang sekgauswi.

Le a bona, setšo, se re se bitšago setšo lehono, ke se Sathane a se tšweleditšego go Efa, bohlale bjo bonnyane. O rile, “Mahlo a gago ga se a bulega, gore ga o kwešiše tšohle tša Lona.” O tsebile Lentšu, gomme seo e be e le sohle. O bone Modimo a hlatsela Lentšu leo, gomme seo se be se swanetše go ba se be se lokile. O be a mmolokile ka Bophelong bjo Bosafelego, ge feela a dutše le Lentšu lela. Ge a robile Lentšu lela, o bile le tshepišo ya Modimo

gore o tla hwa letšatši leo a Le robilego. Gomme, ge a Le robile, o hwile. Yeo ke nnete.

¹⁸⁹ Re na le Lentšu la Modimo le le hlatsetšwego mo, le hlatsetšwe, le netefatša ka Moya, gore O re amogetše le go re fa Kolobetšo ya Moya wo Mokgethwa. Re kolobeletšwa ka Leineng la Jesu Kriste. Ebangedi ye e swanago, maswao a go swana, matete a a swanago, bodiredi bjo bo swanago, ebile le Pilara ya Mollo ya go swana e bonagala pele ga rena, e bontšha maswao le matete. Ga go na le boitshwarelelo, ga go felo.

Gomme seo ke tlwa se Beibele e rilego se tla direga mo matšatšing a mafelelo, le pitšo go tšwa go Maleaki 4, “go bušetša Tumelo ya bana morago go botatago bona gape.” Gomme thwi ka morago ga fao, ba babe ba sepetše . . . goba baloki ba sepeletše ntle godimo ga melora ya ba babe; lefase ka moka le be le swanetše go tšhungwa. Gomme diathomo di lekeletše godimo mošola, dipomo ka rakeng.

¹⁹⁰ Le bona se Jeremane e se dirilego ka pela ge ba hweditše ntle Mopres- . . . Mopresidente o be a bolailwe? Ba lahletše madira a bona mmogo ka pela ka kgonthe, gobane seo e be e le selo se nnosi se bego se thibetše Russia go pomea fale. Gomme ba iteile . . . Kennedy o nno ba romela lentšu, gore, iri ye ba dirago seo, gore o tla ba swiela go tloga lefaseng, thwi go tšwa Jeremane. Le a bona? Gomme ba naganne ba ka e tšea, eupša e be e se iri nako yeo, le a bona. Le a bona?

¹⁹¹ Re hwetša ba ditswerere, bareri ba go rutega, baebangedi, ba leka go Le fetišetša go yo mongwe gape. Le a bona?

Gobaneng, gobaneng Pilato a se a re, “Gabotse, emang motsotsso, Monna yo . . . mosadimogatša yo o tlide o mpoditše, gomme ke kwele mabopaki a mantši a Gago. O a tseba, ke—ke ne kgahlego. Ke tla rata go hwetša. Nka kgona go dira eng go ba le Bophelo bjo Bosafelego, Mohlomphegi? O diatleng tša ka. Nka kgona go dira eng?” Gabotse, o tla re—o tla re . . . O rile, “A—a O Mesia? A—a O kgo—kgo Kgoši ya Bajuda?”

¹⁹² O rile, “Seo ke se o se boletšego. O se boletše.”

“Goba, re botše, ka therešo, a O Kgoši ya Bajuda?”

O rile, “Ke tswaletšwe seo.”

O rile, “Ga ke kgone go hwetše phošo ka go Yena.” Uh-huh. “Gabotse, ke tla no Mo hlatswa go tloga diatleng tša ka.”

¹⁹³ O mo arabile, eupša ga se a kgona go Le amogela. Gobaneng? E be e tla theošetša maemo a gagwe fase. Ka fao o ile a gopola gore o tla romela godimo go mopotologi wa naga, gomme a bona se a se dirilego ka Lona. Le a bona?

¹⁹⁴ Selo sa go swana bjale, taba e tla pele gape. O tla dira eng ka Lona, Lentšu? O swanetše go dira eng, go botšiša mopotologi, goba mopišopo, goba yo mongwe, ge o ka fetola maikemišetšo a gago a kolobetšo, ge o ka dira se, goba wa dira se? O bona bjalo,

gomme, “Ka kgonthé, ga se wena.” O feta thwi morago go wena. Ge o dira, o tla ragelwa ntle. Le a bona?

¹⁹⁵ Go tla theoša maemo a batho. Ee, ba—ba nagana . . . Gomme khansele ya kerekela e be e ka se eme . . . Boka—boka Pilato a Le fetišetša go Kesara; ba be ba ka se Le emele. Kesare o Le beile morago ka seatleng sa Pilato. Kafao ba leka go Mo fetišetša go tša bona—tša bona dihlogo tša kerekela, gomme ga e šome. Boradia bjo ga se bja ke bja šoma, gomme bo ka se šome. Ga se bja šomela Pilato; bo ka se go šomele; bo ka se šome bakeng sa yo mongwe gape. Bjale, sa bobedi, selo se o ka kgonago go se dira ke . . .

¹⁹⁶ Sa boraro, a ke re, ke go Mo amogela goba go Mo gana. O ka se kgone go Mo hlatswa go tloga diatleng tša gago. O ka se kgone go Mo fetišetša go tshepedišo ye nngwe, goba selo se sengwe gape. O swanetše go lebanya taba. Kafao o ka kgonago go dira eng?

Boka Pilato, a eme le selo sa go swana, o rile, “Mpheng meetse tsoko, ke tla Le hlatswa go tloga diatleng tša ka, go netefatša!” Ge a boile morago, o be a sa swanetše go fetiša kahlolo; ga se a mmeele thoko. O lekile go re, “Gabotse, nna, ge nka se kgone go Mo tloša diatleng tša ka, ke tla Mmea godimo ga diatla tša Kesare.” Gomme Le thunyeditše morago, thwi morago go yena.

¹⁹⁷ Le a dira go wena, le wena, bjalo ka motho ka motho. O ya go dira eng? E sego se mme a se dirilego, se papa a se dirilego, se modiša a se dirago, se Ngwanešu Branham a se dirago, se e ka ba mang; Le diatleng tša gago! O ya go dira eng ka Lona, ka Jesu yo a bitśwago Kriste? Gobane, o ne Madi diatleng tša gago, gomme Ke Madi a Modimo. Bjale o ya go dira eng? O ba molato wa papolo. Le a bona?

¹⁹⁸ O ka kgonago go Mmapola, wa amogela thutotumelo ya gago goba eng kapa eng o nyakago go e dira, goba wa re, “Gabotse, ke tla no feta. Nka se be le selo go dira le e tee ya dilo tše tša kereké.” O ka se kgone go dira seo. O diatleng tša gago. Yeo ke nnete. O ka se kgone go e dira. “Ke tla no lebala selo ka moka.” O ka se kgone go e dira. Le sa le diatleng tša gago. “Gabotse, ke tla no re, ‘Modiša wa ka o nthutile se.’” Le thunyetše morago, thwi morago. Le go wena. Le a tseba. Bjale, o ka kgonago go Mo amogela goba o ka kgonago go Mo gana, feela ka tsela ye nngwe le ye nngwe o nyakago go e dira. Eng? E swanetše go tla go yo mongwe wa bona.

¹⁹⁹ Bjale eng? Bjalo ka ge Jesu a boletše go Bafarisei ba, O rile, “Bjalo ka ge le le Bafarisei ba difofu,” le a bona, Ke mang a ka e bolelagó selo sa go swana lehono, “lena barutiši ba bodumedi ba difofu, le kgonago go hlatha nako ya bokomonisi. Le lwa kudu go seo, gomme le tseba gore Modimo o tsošitše sona selo godimo go le fediša.” Le a bona, go se tsebe Mangwalo. Le a bona? “Lena, le kgonago go hlatha gore bokomonisi bo ya go tšeа lefase. Le kgonago go bona seo. Le kgonago go hlatha seo.”

²⁰⁰ Dithuto tšohle tša rena di go bokomonisi. "Itielang bokomonisi ntle!" Ke e kwa go fihla ke belekega ka go e theetša. Ke kgahlanong le bjona, le nna. Nnete, ke kgahlanong le bjona. Eupša ke kgahlanong kudu le monna goba mosadi yo a ganago Jesu Kriste, Lentšu. Goba, ge eba o moreri goba e ka ba eng o lego, o morwalo kudu go Kriste go feta mo lekomonisi leo le lego. Ga a tsebe selo le go tseba selo ka Lona. O swanetše go tseba. Le a bona? Le kgona go hlatha nako ya bokomonisi, eupša ga le kgone go hlatha leswao la letšatši le le phelago ka go lona.

²⁰¹ Jesu o boditše bona Bafarisei, a re, "Lena baikaketši!" O rile, "Le ya ntle gomme la lebelela mafaufau, gomme la re letšatši ke le lehubedu le go lepelela, gosasa le tla ba befa. Ge lefaufau le apoga," o rile, "o re gosasa e tla ba letšatši la go hlweka." O rile, "Le kgona go hlatha maswao a nako, goba maswao a mafaufau le boso, eupša maswao a nako ga le a tsebe." O be a le fao Yena, Mesia, gomme ba Le gana.

Gomme ka mehla re bolela ka bokomonisi le tše dingwe tša dilo tše, eupša, leswao la nako, ga re Le hwetše. Le a bona? Re hlokomologa seo, re tlogela seo. Go kopana mmogo thwi bjale ka go gosedumele, gomme ba a e amogela, eupša ba palelwa ke go kwešiša le go bona leswao la nako ye Beibele e boletšego gore le tla ba.

A le Le hweditše? Ke swanetše go tswalela, ka pela bjale. Go ba thari, le a bona.

²⁰² Bjalo ka ge botatabo ba dirile, ba dira bjalo ka bona, selo sa go swana lehono. Bjale, sephetho se fihleletšwe. Se swanetše go fihlelwa. O swanetše go se fihlelala, ka tsela ye nngwe. Le a bona? Go bapolwa ga Lentšu gape, goba o ya go dira eng? Go bapolwa ga Lentšu go batametše. Bapolang le go emiša Lentšu le le hlatsetšwego, bakeng sa—bakeng sa kerekeleina, boka Pilato a dirile, go leka go fetišetša yo mongwe. Bjale o tla dira eng, bjalo ka motho ka motho, wa dira ka Lentšu le le tloditšwego le bitšwago Kriste?

Wa go swana maabane, Kriste wa go swana yo a tloditšego Lentšu ka matšatšing a Noage. Kriste wa go swana, Mohlare wola—wola o bego o le ka serapeng sa Edene; wo Efa a tlogetšego, go ja go tšwa Mohlareng wo wa Bophelo, go tšeа mohlare wa bohlale; o, o tlogetše Mohlare wa Bophelo, go tšeа mohlare wa lehu. Nako ya Noage e dirile selo sa go swana. Mo matšatšing a baprofeta, ba dirile selo sa go swana. Ka matšatšing a Kriste, ba dirile selo sa go swana.

Gomme šeba lehono. Go yo mongwe le yo mongwe a boleLAGO ka nako ya gagwe, gomme, ge selo sela se phethagaditšwe, nako le nako ba tšere mabaka a bona a kerekeleina, le go ya pele, le bohlale bja lefase sebakeng sa Lentšu la Kriste le le tloditšwego. O tla dira eng, bjalo ka motho ka motho?

²⁰³ Pilato ga se a tsoge a Mo tloša diatleng tša gagwe. Ke—ke a tswalela, kafao homolang ka kgonthe feela nakwana. Pilato ga se a tsoge a Mo tloša diatleng tša gagwe. Ešita le wena o ka se ke, ka tsela ye a dirilego, a leka e ka ba efe ya dikimi tše. Ga se nke a e dira. Le tseba se se diregilego go Pilato? O lahlegetšwe ke monagano wa gagwe. Go fihlile mo e lego gore tšohle a kgonnego go di kwa e be e le papolo yela. Tšohle a kgonnego go di kwa e be e le pefelo, yeo mafelelong a ilego a hlanya.

²⁰⁴ Gomme ba ne nonwane godimodimo ka Norway, goba aowa... ke kgopela tshwarelo. Godimo ka Switzerland; moo, ke bego ke le godimo kua, moromiwa. Ba tteleima dikete di kgobokana kua, go tšwa lefaseng tšekelele, ka Labohlano le Lebotse; molete wa meetse moo Pilato a ipolailego. Mafelelong o itahletše yenamong go lehu ka mogobeng wo wa meetse. Gomme ba tteleima gore Labohlano le lengwe le le lengwe le Lebotse, ka iri ya boraro morago ga sekgalela, meetse a fetoga bolou, a bela go tloga fao mmele wa Pilato o bego o robetše. O Le ganne. Go sa na le Madi godimo ga diatla tša gagwe. Gomme o a gana, a ganne; meetse.

O ka se kgone go Mo hlatswa go tloga diatleng tša gago. Ga go meetse, ga go sesepa sa botlalwana, se se ka kgonago go A hlwekiša. O tla dira eng ka Yena?

²⁰⁵ Sese selo se nnoši o ka kgonago go se dira. Ge o sa kgone go Mo hlatswa go tloga diatleng tša gago; o ka se kgone go Mo fetišetše go ya go se sengwe gape; o ka se kgone feela go e fetiša ka nonwane. Ga go tsela lefaseng. Selo se nnoši o ka kgonago go se dira ke go A amogela, ka pelong ya gago. Yeo ke tsela ya go Mo fediša. Tloša Yena diatleng tša gago gomme o Mmee ka pelong ya gago, goba go Mo tlogela diatleng tsa gago le go emela Kahlolo. Seo ke selo se nnoši o ka kgonago go se dira.

Bofelo bja Pilato ebile bjo bo šiišago.

²⁰⁶ Lentšu le bolela gore ba ba Mmeago ka diatleng tša bona.... Ke be ke eya go E bala. Eupša E rile, “Ba goeleditše go maswika le dithaba. Ba rapetše, eupša dithapelo tša bona di be di le thari kudu.” Le a bona? Ba goeleditše, “Re uteng go tloga sefahlegong sa Gagwe yoo a dutšego godimo ga Terone, le go tšwa bogaleng bja Kwana, ke gore go Kgapa, Bophelo bja Kwana ye e tlilego. Ka gore, Letšatši le legolo la Kahlolo le diregile, gomme ke mang a tla kgonago go ema?”

²⁰⁷ O nagana gore Oswald o ya go dira eng bjale ge a sepelela ntle pele ga Kgorotsheko ya Godimo, le go bona mahlo ale a go befelwa a le—le lekgotla la baahlodi le bohle ba dutše fale? O tseba se se yago go direga. E tla ba kamora ya gase, goba thapo e lekeletše fao, goba se sengwe. O swanetše go se lebanya.

²⁰⁸ Eupša go ka reng ge o sepelela ntle kua le Madi godimo ga diatla tša gago, a go gana? Gomme tseba gore hele e robetše pele ga gago, ditshenyego tša Kagosafelego; ba llela maswika

le dithaba; eupša ba rapetše, ka gore dithapelo di be di le thari kudu.

Ka go Bahebere 10, “Ge re dira sebe ka boomo.” Sebe ke “gosedumele.” “Ge re sa dumele ka boomo ka morago ga ge re amogetše Therešo, tsebo ya Therešo.” Ga wa swanela go E amogela; go no tseba ka Yona. Ga wa swanela go ba le Yona, o no... Oo, aowa, aowa. Le a bona? Ga se ya re, “morago ga ge re amogetše Therešo.”

*...ge re dira sebe ka boomo morago ga ge re...
amogetše tsebo gore ke therešo, ga go sa na sehlabelo
bakeng sa dibe,*

*Eupša...go lebelela ka poifo bakeng sa...bo bogale
bjø bo tukago,...bo tla metšago lenaba,*

*...Gobane Modimo o rile, Tefetšo ke ya Ka, gomme
Ke tla lefagape, o rialo—o rialo Morena.*

²⁰⁹ Ge re sa Le dumele, ka boomo, morago ga ge Therešo e neetšwe go rena, go ka se sa ba kgaogelo gape. Ga go sa na kgaogelo e tla fiwago.

Modiša, a theeditšego theipi ye, go reng ka yona? Moleloko wa kereke, a theeditšego theipi ye, go reng ka yona? O ya go dira eng, ge re sa Le dumele ka boomo? O ka se kgone go Le hlatswa go tloga diatleng tša gago. O ka se kgone go Le fetišetša pele go ya motsemošate. Le ya go thunyetša morago, thwi morago go wena. O Le kwele. Go reng ka wena? O ya go ema bjang ka Letšatši lela?

E ba gore O ka diatleng tša gago goba ka pelong ya gago, e tee goba ye nngwe. Modimo re thuše.

²¹⁰ Ge—ge o ka no eleletša polao, le se se tlemilwego go be se eya go kgabola pelo ya monna yola. O dirile eng? O tsogile thari kudu, morago ga ge a šetše a e dirile.

Lebelelang, o bile le sebakabotse. O belegwe a le Moamerika wa go lokologa. O be a le Moamerika. Eupša o nyakile go rekisa ditokelo tša gagwe tša tswalo, go ba Morussia, gomme e thunyeditše morago. O nyetše mosetsana wa Russia. Bjale ke monagani wa go lokologa wa phathi ya bokomonisi ya Cuba.

Go nagana ga lokologa, “Ke dira go nagana ga ka mong.” Ga o ne monagano wo o tlago. O tla dira eng ka Jesu yo a bitšwago Kriste? Ga o monagani wa go lokologa. Ga go go nagana ga go lokologa. A nke monagano wo o bego o le ka go Kriste o be ka go lena.

A re rapeleng.

²¹¹ Naganang menagano ye, “Ge go ka ba tumišo e ka ba efe, ge go ka ba bokwala e ka ba bofe, naganang ka se.” Ka magareng ga rena mosong wo, le ka go theipi ye, gape, ke a bolela. Ge o le mo o le gona mosong wo, gomme o a tseba gore ga wa loka le

Modimo, gomme ga se wa tswalwa ka Moya wa Gagwe, gomme Modimo o . . .

O re, "Gabotse, ke dirile boipolelo." Seo ga se se ke bolelago ka sona. A Modimo o bo amogetše? O ka kgona go re, "Ee, ke, ke dirile boipolelo, le go ya pele. Ee, ke a dumela." Pilato o dirile bjalo, "Ke dirile boipolelo, ka kgontho, 'Ke tla dira eng ka Monna yo wa moloki?" O ka se kgone go Mo hlatswa go tloga diatleng tša gago ka mokgwa woo. Aowa, aowa.

²¹² O tla dira eng ka Yena? Ge o se Mokriste yo a tswetšwego gape, ka Moya wo Mokgethwa o phela ka go wena, o humiša Bophelo bja gago, gona gobaneng o sa Le tšee bjale? O ka se tsoge wa hlatswa Le go tloga diatleng tša gago. O ka se tsoge wa kwa mafelelo a Molaetša wo. Le tla lla go kgabola go fihla o tliša Molaetša ka pelong ya gago, gore Jesu Kriste o a swana maabane, lehono, le go ya go ile.

²¹³ Ka go batheeletši ba ba bonalago mosong wo, a go tla ba bao mo ba lemogago seo, gore ba phošo, gomme le tla phagamišetša diatla tša lena godimo. Ga re na le sekgoba bakeng sa pitšo ya aletara, lefelo le pakelane kudu. Eupša e no re, "Nthapelele, Ngwanešu Branham. Modimo nthuše." Modimo a go šegofatše, ke bona seatla sa gago. "Ke, ke nyaka go dira, bjale. Thwi mo ke nyaka, pele ga Modimo, O a tseba gore ke na le molato, gomme ke lemoga gore ke na le molato. Ke—ke Mo nyaka go tloga diatleng tša ka; ke Mo nyaka ka pelong ya ka." Phagamisa seatla sa gago, e re, "Nthapelele, Ngwanešu Branham." Morena a go šegofatše. Ke a bona, ka go palo ye ya batho fa, mohlomongwe masomenne, masometlhano a diatla godimo fa.

Bitša lehono, bitša lehono,

Nagana ka yona bjale, yoo ke Yena a bitšago. Jesu o a bitša.
Yoo ke Yena a bolelago le wena.

²¹⁴ A o dirile sebe bokgole bjalo, go fihla pelo ya gago e le matswabadi, go fihla o ka se ke, o ka se kgone go Le kwa gape? Gatee, bjalo ka mošemane yo monnyane goba mosetsana yo monnyane, o Le kwele. O bile le tlhologelo go e dira, eupša o Le beetše thoko, gomme o ba matswabadi le matswabadi mesego yeo le megogo. A ke bokgole bjo bo ilego gore ga o sa kgona go Le kwa gape? A o eme moo . . . a o na le la gago . . . lefelong moo boka Oswald a emego mosong wo, o le tsebago? Uh! O ka kgona bjang go e dira?

A go tla ba yo mongwe pele re tswalela gomme ke tla neela thapelo? Feela e ka ba kae ka moagong, yo a sego a tsoge a phagamisa seatla sa gago, o re, "Ngwanešu Branham, feela ge e sa le o boletše mantšu a mafelelo, ke—ke ikwela seo." Yo mongwe le yo mongwe, ka ntle, ka go mekgoba, go dikologa mafastere, kae kapa kae, ga go tshwenye. Feela . . .

²¹⁵ Modimo a go šegofatše, mohumagadi yo moswa. Modimo a go šegofatše, mohlomphegi, wena. O go hweditše. O godimo . . .

Modimo a go šegofatše, mohumagadi. Yo mongwe gape? Modimo a go šegofatše, mohumagadi. Modimo a go šegofatše, fa. Gomme Modimo a go šegofatše godimo kua, mošemane yo monnyane, mosetsana yo monnyane. Ee, Morena a go šegofatše. Morago fao, mohlomphegi. Ya.

Bjale a re nong go nagana ka yona bjale. Ke le nyaka le dire se ge ka boleta re opela ye, *Jesu O A Bitša*. Bjale ke nyaka o no re, “Morena, nkgaogele, modiradibe, goba moiſiriši. Ke nna moleloko wa kereke, Morena, eupša ke—ke—ke a Go nyaka. Ke a Go nyaka. Nthuše! Ke tla—ke tla Go hlankela. Ke a e tshepiša, gonabjale. Ke phagamiſitše seatla sa ka, gore ke a Go nyaka. Bjale O phagamiša pelo ya ka, gore ke a Go amogela, gomme ke tla Go amogela ka pelong ya ka.” Ge re sa opela temana ye gape, a le tla e dira?

O a bitša lehono, o a bitša lehono,

²¹⁶ Bjale rapela tsela ya gago mong. Rapela bjale.

Jesu a bitša . . .

Yoo ke Yena a bolelago. Leo ke lebaka o phagamiſitše go seatla sa gago.

. . . o bitša ka boleta lehono.

Jesu o a bitša, O theetša Segalontšu sa Gagwe,

Kwa Yena . . .

Thwi bjale, Mo kwe. E re, “Morena, ke ne molato. Madi a Gago a diatleng tša ka. Ke modiradibe. Ga ke sa A nyaka godimo kua gape. Nka se kgone go A hlatswa a tloga; ke e lekile, lebaka la mengwaga. Ga ke ye go Go gomiša boka Pilato a dirile, le go leka go Go romela go yo mongwe gape. Ke a Go nyaka. Etla ka pelong ya ka, gonabjale, Morena. Ke a Go amogela. Ke a Go bona o eme thwi pele ga ka, boka seswantšho se eme fale; ka tumelo ke sepelela thwi ka go Wena, go tsebeng gore O a ntshwarela. Gomme ke . . . O ya go ba ka pelong ya ka, go tloga go se go ya pele.”

. . . lehono,

Yo mongwe le yo mongwe rapela.

Jesu o a bitša, O bitša ka boleta lehono.

²¹⁷ Tate wa Legodimong, molaetša wo monnyane o fedile. Gomme bjale, diphetho, dikgorotsheko di beilwe mosong wo. Barongwa ba bothane ka kamoreng. Moya wo Mokgethwa wo mogolo fa o efa diponagalo gore Jesu o sa phela. O be a le mothopo wa Bophelo bjo Bosafelego. Lebitla ga se la kgona go Mo swara, ešita le hele e ka se kgone go Mmoloka. O rotogetše godimo; a tlemologile go tšwa heleng, a tlemologile go tšwa lebitleng. Gomme O eme magareng ga rena, lehono.

Gomme dithutotumelo tša rena le dikerekemaina di tlemile bontši batho ba rena, Morena. Sebe se ba tlemile, eupša lehono

ba nyaka go lokologa. Ba eme boka Pilato, gomme, sebakeng sa go leka go Mo fetišetša go yo mongwe gape, ba phagamišitše diatla tša bona, “Etla ka pelong ya ka, Morena Jesu. Nka se sa Go hlatswa go tloga go nna gape. Nka se kgone go e dira. O sa le diatleng tša ka. Ke nno hlatswa le go hlatswa, gomme ga se O tloge, eupša bjale ke a Go amogela. Ke nyaka Wena ka bophelong bja ka, gomme ke amogela Wena ka bophelong bja ka. Morena, nkamogele ka go Mmušo wa Gago, ka tebalelo ya dibe tša ka, gomme mphe tumelo go dumela gore O a nkamogela, Tate.” E fe. Ka la Jesu Kriste Leina, re a rapela.

²¹⁸ Gomme bjale ge le na le dihlogo tša rena di inamišitšwe. Tumelo, ka tumelo . . . “Gomme, Modimo, O nthuše go ba yo a botegago. Eupša go tseba gore O tshepiša gore . . .”

“Yo a tla tlago go Nna, Nka se mo gane ka mokgwa ofe. Gomme Ke tla mo fa Bophelo bjo Bosafelego, gomme Ke tla mo tsoša ka matšatšing a mafelelo. Yo a tla Mpolelago pele ga batho, yena Ke tla mmolela pele ga Tate wa Ka le Barongwa ba bakgethwa. Yo a kwago,” ya kgonthe, tlhathollo ya therešo ya Mokgethwa Johane 5:24 fao, ke, “yo a kwešišago, yo a amogelago Lentšu la Ka. Yo a amogelago Lentšu la Ka, gomme a dumela go Yena yoo a Nthomilego, o na le Bophelo bjo bosafelego, gomme a ka se biletšwe Kahlolong.” O ka se tle Setulong sa Kahlolo boka Oswald a dira. “Eupša o fetile,” ka tshwarelo ya mahala, “go tloga lehung go ya Bophelong.”

²¹⁹ “Morena, ga ke tsebe bjang, ga ke tsebe gobaneng, eupša—eupša ke a dumela e diregile. Ke dumela yeo, ka pelong ya ka, gosedumele ga ka go ile. Nka kgona go re ‘amene’ ka tokologo go Lentšu le lengwe le le lengwe leo O le bolelago, gomme ke a Le amogela thwi bjale. Ke a le dumela.”

²²⁰ Bjale ka dihlogo tša lena di inamišitšwe. Lena ba le dumelago seo, bao le phagamišitšego diatla tša lena dinakwana di se kae tša go feta; gomme ka tumelo le bona seswantšho sa Kriste se eme fale, seo le swanetšego go ba ka go sona. O sepela bjale ka tumelo, dumela gore dibe tša gago di lebaletšwe. Gomme go tloga letšatši le go ya pele, o loketše kolobetšo ya Bokriste, gomme o loketše bjale go sepela ka go Kriste. A le ka, bjalo ka bopaki go Yena, phagamiša diatla tša lena morago, la re, “Ka tumelo ke dumela Lona ka pelo ya ka yohle”? Modimo a le šegofatše. Seo se kaone. “Bjale ke a Le amogela. Ke—ke a amogela; ga go selo nka kgonago go se dira.” Modimo a le šegofatše. Go bonagetše eke yo mongwe le yo mongwe yoo ke mmonego. “Bjale ke a amogela.”

²²¹ Le a bona, ga se wa loka, ga se nke wa ke wa loka, o ka se be go loka, eupša Jesu o hwetše batho ba go se loke. “Ke swanetše go dira eng, Ngwanešu Branham?” E no amogela se A se dirilego, e no amogela se A go diretšego. Gomme bjale ka go Le dumela le go Le amogela . . .

Bjale, ke a dumela, modiša, mogobe o tla bulwa. [Ngwanešu Neville o re, "Ee."—Mor.] Kolobetšo e tla ba lenaneong, ge o nyaka go kolobetšwa.

Ge o tšere dithaetlele, "Tate, Morwa, Moya wo Mokgethwa," ka therešo o...ke bolela se ka tlhomphokgolo le tlhompho, eupša, go tsela ya ka ya go e bona, ga se wa kolobetšwa. Ga se wa, ka gore ga se wa dira se A se boletšego.

²²² O rile, "Ba kolobetšeng Leineng la Tate, Morwa, le Moya wo Mokgethwa." Ge o bile feela le dithaetlele tšela di biditšwe godimo ga gago; ga se nke A re, "Eyang le bitše *dithaetlele* tše; eyang le bitše *maina* a." Ga se ya ke ya dirwa ka Beibeleng. Ga se ya ke ya dirwa ka tsela yeo. E bile, kolobetšang ka tsela ye Jesu a rilego, "Leineng la Tate, Morwa, le Moya wo Mokgethwa," e lego Jesu Kriste.

²²³ Petro, ka dikgonyo, o boletše selo sa go swana; moapostola yo mongwe le yo mongwe gape, Kereke ka moka; go fihla go Khansele ya pelepele ya Nicaea ge kereke ya Roma ya Katoliki e kgatlofatša, e amogetše dithaetlele sebakeng sa Leina. E ba gore o kolobeditšwe ka go dithutotaelo tša kerekeleina ya Roma, goba o kolobeditšwe Leineng la Jesu Kriste, ye tee goba ye nngwe. Le diatleng tša gago; o ka se kgone go Le hlatswa. Le fao.

O Le amogetše bjale. Ke tla go kgopela, ge ra—ge ra raokene le rapiano ba retologela go pina ya go tsebalega ya kgale:

Tumelo ya ka e lebelela godimo go Wena,
Wena Kwana ya Khalibari,
Mophološi Mokgethwa;
Bjale nkwe ge ke rapela,
Gomme tloša molato ohle wa ka
Gomme ntumelele go tloga letšatši le
Go ba wa Gago ka moka!

²²⁴ Ga go yo motee a tlogelago moago. E no ema ka tlhomphokgolo bjale, gomme a re nong go phagamišetša diatla tša rena go Yena bjale.

Tumelo ya ka e lebelela godimo go Wena,
(Gomme Yena ke Lentšu.)
Wena Kwana ya Khalibari,
Mophološi Mokgethwa;
Bjale nkwe ge ke rapela,
Tloša sebe sohle sa ka,
O ntumelele go tloga letšatši le
Go ba ka moka...

Ka moka le go felela, wa Gago! Bjale ke neela bophelo bja ka.

²²⁵ Meetse a tla be a lokile mo metsotsong e se mekae. Ge o ka se kgone go tšea kolobetšo bjale, re tla kolobetša gape bošegong bjo.

Naganang ka yona, morago ga sekgalela sohle, “Godimo ga diatla tša lena.” Le tlošeng. Tsela e nnoši o ka kgonago go dira, ke, go hlatswiwa ka Mading a Jesu Kriste, Ke mang . . . Le a bona? Ee, mohlomphegi. E elelwe bjale ge re inamiša dihlogo tša ren. Lebelela go Yena bjale.

Ge tsela leswiswi ya bophelo . . .

²²⁶ Sephetho se ka pelong ya gago bjale. O mo tshekong. Lentšu le komana bakeng sa go bapolwa. Kriste o mo tshekong. O tla dira eng ka Jesu a bitšwago Kriste?

Wena eba Mohlahli wa ka;
 Laela leswiswi go fetoga mosegare,
 Phumola manyami, dikeledi kgole,
 Goba o se tsoge wa ntumelela go hlahlatha
 Go tloga go Wena go ya thoko.

Bjale re inamišetša dipelo tša ren go yona. [Ngwanešu Branham o hama *Tumelo Ya Ka E Lebelela Godimo Go Wena—Mor.*]

²²⁷ Naganang ka go teba, bagwera. E ka no ba leina la gago ke lona la mafelelo le yago godimo ga Puku. Re mo nakong ya bofelo. Bjale naganang ka go teba ka kgonthe. A le, a go na le e ka ba mang fa yo a Mo raketšego kgole?

²²⁸ Elelwang, e ka no se tsoge ya tla gape. Pilato ga se a hlwe a eba le sebaka se sengwe. O lekile bokaonekaone bja gagwe go phološwa, gomme ga se a kgon go e dira. Go bile ka diatleng tša gagwe. Gomme o tla dira eng ka Lentšu le le tloditšwego la letšatši le, le bitšwago Kriste? 

KE TLA DIRA ENG KA JESU YO A BITŠWAGO KRISTE? NST63-1124M
(What Shall I Do With Jesus Called Christ?)

Molaetša wo ka Ngwanešu William Marrion Branham, setlogong o abilwe ka Seisimane ka Lamorena mosong, Nofemere 24, 1963, ka Tabarenekeleng ya Branham ka Jeffersonville, Indiana, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme ya phatlalatšwa ke Voice Of God Recordings.

NORTH SOTHO

©2022 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriſte. Puku ye e ka se kgone go rekišwa, go tſweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditſhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org